

國

錄

十

卷

八

清

闕

闕

鑿

十二

齋

炎緒乙未卷逢盛

氏用肅賢樊子城

書座刻本墨戲

欽定四庫全書總目卷一百六十八

清閼閣集十二卷 安徽巡撫采進本

元倪瓚撰瓚字元鎮號雲林 案梁清遠雕邱維錄曰倪雲林字元鎮而華亭夏正長寅贈陳

進之序稱爲太字不知其何據謹附識於此無錫人畫居逸品詩文不屑屑苦吟

而神思散朗意格自高不可限以繩墨明天順閒宜興蹇朝

陽有刻本至萬曆中其八世孫瑄等復爲彙刊凡十五卷歲

久漫漶惟毛晉所刊十元人集本行世

國朝康熙癸巳上海曹培廉重爲編定校勘付梓多所增補考朱

存理樓居雜著有題雲林子詩後一篇稱素愛其詩每見一

篇一詠輒收錄之近得蹇氏新刻本參校其所遺者存而萃

集成帙多吳遊之作計得諸體詩及雜文共若干篇爲外集

一卷則蹇刻原非足本故培廉更爲蒐輯也凡詩八卷雜文

二卷外紀二卷上卷列遺事傳銘並贈答弔輓之作下卷專

載諸家品題詩畫語毛晉嘗刊雲林遺事於集外別行培廉

哀爲一編瓚之始末備列無遺矣世又有別本文集二卷末
有崇禎戊寅紀同人跋曰雲林詩集毛子晉家有刊本此文
集二卷自滄江劉氏鈔得之蓋哀輯墨蹟而成非原本也後
見刻本較此本增多數篇分爲四卷序次亦稍不同然文中
荆溪圖序一首據宜興縣志載入者核之卽題陳惟允畫荆
溪圖之節本前後複見略不一檢則尤雜無緒可知不及此
本之清整也云云其考正頗核今攷集中所載如題天香深
處卷後題紫華周公碑傳行狀後題師子林圖重覽紫華周
公碑傳題周遜府君遺翰後鶴林周元初像贊等六篇皆詞
意猥鄙決非瓚筆蓋自僞本墨跡鈔撮竄入同人未及辨正
培廉此本亦尚載集中以流傳既久姑仍刊本存之而附著
其可疑如右

家大人平居無他好獨好蓄古法書名畫金石文字暨唐宋元以
來先賢遺集雖殘紙斷幅蟲蝕鼠嚙之餘皆勤勤補綴手自點勘
築一室而弄之朝夕坐臥其下此元高士雲林先生清閤閣遺稿
乃其一也初雲林先生詩僅從前朝諸老選本中獲見數十首文
則缺焉從兄諤廷嘗覓得義興蹇氏刻鈔本復逸其半最後家大
人乃得其裔孫理所彙刻遺稿展讀盡卷欣然曰我向從壁間觀
高士山水小幅煙波滅沒有遺世獨立之意以爲如見雲林之面
而已今也見其心矣於是復徧搜篋中及友人家所藏墨跡石刻
之繫於先生者悉取付雕次爲清閤閣全集十二卷旣成命小子
廉曰高士遺跡之幸存者少矣單辭隻字皆其用意所在我不及
見則已及見之而又漏之古人憾焉我是以不敢小子識之竊惟
先生清風介節其鄉高顧兩先生論之詳矣詩格樸雅一洗穠麗
則諸家之評具在廉何庸贅惟是後先生之生四百餘年而猶得
從容討論其遺編不至得什失一貽恨殘缺者雖廉家庭閒平昔

之好尚使然抑豈非先生之志氣有以相感於筆墨之外也與用誌其歲月以告後之讀者云康熙五十有二年歲在癸巳六月既望海上後學曹培廉拜題於城書室

凡例

一雲林先生集舊有二刻皆歲久漫漶萬曆中其後裔特爲重刊每卷首有八世孫瑤瑛九世孫錦武謹輯十世孫永建十一世孫仁勇亮采參訂字樣詩八卷卷各一體合之樂府贊題跋雜著尺牘各一卷雲林遺事一卷志銘傳贊并諸家題詠一卷共十有五卷多寡不均閱者病其瑣碎今改編十二卷前後次序悉從原本其增補集中未備者俱附各體卷末不及另列

一原本卷首舊有雲林詩集原序及重刻遺稿序跋并倪氏世系一冊今仍首列惟世系訛謬難以校讎其題詠詩篇緬懷先生之作舊刻亦載首冊今以類編入外紀中

一原本末二卷遺事以及傳銘題詠皆屬後人編輯表彰因題曰外紀分上下二冊上冊列遺事傳銘并前後諸家贈答弔挽之作下冊則專彙品題先生詩畫語也其中倫次頗多舛錯今詩文各體仍以類敘悉依作者時代爲後先閒有第書其號姓名

不全時代無考者則悉仍之

一原本有體製誤列者如壬子九月十九日題畫詩一首本係七古誤編七律中泉州兩義士行一首係長短句體應入七古誤編雜著後几類此者悉爲訂正

一原本附錄他人詩甚夥或係原韻或係和韻今仍悉錄本詩之後皆作雙行小字以示區別俾閱者舉目了然今刻改作大

一集中七言古詩醉歌行原本止一首獨毛氏汲古閣本有二首字單行低一格

意義彷彿字句互異茲從毛本並載

一先生詩有附見於題跋外紀卷中者各體詩內不復重出惟題吳仲圭詩畫古詩一首贈別宋仲溫詩三首原本列題跋中今從毛本編入詩內

一原刻字句不無譌謬今取先生著作散見於諸家選本者如曹石倉十二代詩錢牧齋列朝詩毛氏汲古閣元人十種詩集諸刻彼此參校冀無亥豕之誤閒有兩刻互異而意義俱通者則

注明一作某字於下不敢妄爲改竄閱者鑒之

東吳當元季割據之時智者獻其謀勇者效其力學者售其能惟恐其或後而有甘抱清貞絕俗之態卒闕其用全其身而不失其所守者非篤於自信不能也錫山倪雲林先生是焉先生諱瓚字元鎮雲林其自號也家故饒於貲至先生始輕財好學嘗築清閤閣蓄古書畫於中人罕跡其所愛寫溪山竹石攻詞翰皆極古意性甚狷介好潔絕類海岳翁然尤善自晦匿有若愚駭無似盡棄其所蓄如敝屣然卒之扁舟獨坐焚香弄翰以與漁夫野叟混跡於五湖三泖間又類天隨子既而昭代御宇遂使六合一統底今且百年矣彼之倖功譽於一時者颯馳電迅泯無聲跡之可尋而獨先生詩畫流落於人世雖片紙不啻拱璧耽玩之際猶覺清風灑然使人爲之興起噫謂非篤於自信者能然乎先生之詩僅嘗見於題詠近得常之荆溪蹇君朝陽彙梓五七言古律絕句總若干卷走書京師俾予評之以傳予謂其清新典雅迥無一點塵俗氣固已類其爲人然置之陶韋岑劉閒又孰古而孰今也邪大羹

玄酒不和而自醇朱絃疏越一唱而三歎有遺音者矣朝陽讀書
好義高先生之誼而重其才寶愛是集欲傳之無窮真可謂深知
夫詩而樂揚人之善者歟不然則是編也其不至於湮歿無聞者
幾希故不辭而爲之序天順四年歲舍庚辰菊月旣望翰林院侍
讀學士奉直大夫直文華殿雲閒錢溥書

倪先生當勝國之季潔身棲遯孤標特立照映巖谷可謂皜然不
污抗迹霞外者矣昔陶徵士書甲子不書元先生亦不書元張士
誠據有江東以僞爵餌士士靡然從之先生竄蹟林莽不受其聘
後士誠弟士德邂逅先生不勝憤榜笞之先生不吐一辭此其節
類龔勝會元社將易海內逐鹿者四起先生恐懷璧爲罪盡散家
財避之三泖五湖不及於難此其高又類鴟夷子皮今世最重先
生畫次重其詩又次乃重其人是人以詩掩詩以畫掩世所最重
者特先生末技耳先生詩風調閒逸材情秀朗若秋河曳天春霞
染岫望若可采就若可餐而終不可求之於聲色景象之間雖虞
楊范揭諸公登詞壇執牛耳非不稱盟主矣然比於先生猶垂棘
夜光之視水碧金膏也先生詩有二刻一爲江陰孫大雅序一爲
華亭錢學士序皆歲久剝裂不堪吟諷讀者病其豕魚其八世孫
理懼風雅之失傳悼祖德之無述捐鏹授銀煥然復新於是先生
之詩家披戶覽想像其人若登雲林窺清閼彷彿見其寒松幽壑

之姿也刻成問序於不肖不肖蓋重先生詩畫而又最重其人惜
平生晚不能爲之執鞭竊幸序先生詩獲附於孫錢二君之後豈
非東郭先生所云濫竽者耶先生世家梁溪之祇陀村子孫迄今
不徙號爲名宗理尤好禮多長者之游自其王父文潤而下世以
文學相禪宗人推爲白眉嗚呼先生之高風宜其華胄遙遙哉萬
曆辛卯春正月廿五日王穉登序

天下亂甚濁運將返則必有神聖之主芟除掃蕩於其上又必有
特異之士激烈震變於其下蓋其功相成而不可相無云是故周
馬不叩神農虞夏沒矣富春不畊東京節義微矣夫惟一夫蹕厲
迴拔不倫大非凡情故態之所習睹驟而嘗之適與靡靡之運爲
暝眩之藥然後一激而返人心變焉風俗移焉蓋天以偏至之性
付之豪傑而與大亂相值必非苟焉已也余讀雲林先生遺事多
潔癖多傲迹合之中正怪其不符徐而證今臯古度以其時先生
實有關於天下非吾錫一邑之士也高皇龍飛淮甸賢哲景從天
地重開日星再朗士於其閒固多風雲著態草野埋光交相應和
以更世道而以奇鋒性鏗砭肌入骨痛刮積穢則先生一人是已
說者謂想其世如高皇饑渴求賢弓旌四馳而獨不及收先生迹
先生之所自負渺然意不可一世而獨不及攀龍附鳳誠未免以
爲恨愚竊惟當是時運籌帷幄則有若劉誠意李宣國諸公戰必
勝攻必取則有若徐中山常開平諸公制禮作樂潤色皇猷則有

若宋文憲陶姑孰諸公假令先生進而與之翱翔於其閒陳一奇效一職其何能有加於諸公之上若乃不臣不友獨往獨來奇節殊采使聞之者且駭且愕且震且悚頑夫廉懦夫立一洗喪亂之餘習卽諸公且退然兄先生而弟之由前則功在社稷山河由後則功在人心風俗由前則其爲用也顯聲施當年由後則其爲用也隱風流永世然則當其際高皇之所以用先生與先生之所以爲高皇用兩相默契蓋皆得之牝牡驪黃之外有不可以常情測者故曰天以偏至之性付之豪傑而與大亂相值必非苟焉已也先生畫跡流寶人間雖好事者不能盡有而獨其詩故幸無恙於是八世孫理將重梓而新之屬其子錦問序於余輒爲之志斯語於簡端讀者由先生之詩而得先生之心銳然爲世道擔一寄焉其亦可以登先生之清閼矣萬曆庚子五月一日邑人顧憲成序

今天下學者好稱說中行夫道中焉止矣中行豈不貴然徐而覈之往往敗裂名檢者多出好爲中行之士何居孔子時中之聖孟氏曰吾所願則學孔子也至其舉聖人百世師則曰伯夷柳下惠何居豈非以孔子中和之極如天地渾然無迹而高蹈絕迹矚然塵滓之外者能令人欣慕愛說油然興起而不自覺也夫吾少則愛慕古之隱君子如逸民之倫尚矣至沮溺丈人於陵仲子未嘗不賞其獨往之趣以爲其人縱不得附中庸之義不有聚斂之冉求壟斷之叔疑乎何可令諸賢見耶俯仰千載而吾鄉有倪雲林先生閒嘗誦其詩想見其人如在雲霄之表願爲執鞭而不可得會其裔孫理將重刊先生詩集謂余不可無一言篇端余謂之曰夫詩也者先生之所以傳也夫先生也者詩之所以傳也後之人誦其詩不論其世可乎先生生元末當天下大亂張氏雄據江左一時才名之士無不匍匐其門竊其餘潤先生知不足與有爲鴻飛冥冥不可榮以祿當是時先生詩若畫布滿人間鄉翁市豎扣

無不得而獨不可張氏至麾其造廬之幣先生以是幾不免恬然
殺身不悔也易不云乎履道坦坦幽人貞吉又曰鴻漸於逵其羽
可用爲儀幽人而可用爲儀也先生有焉詩不云乎皎皎白駒在
彼空谷生芻一束其人如玉又曰所謂伊人在水一方溯洄從之
道阻且長其人如玉可望而不可卽也先生有焉此先生所以爲
先生而先生之詩所以爲詩已先生嘗曰吾所謂畫逸筆耳聊以
自娛不求形似吾於先生之詩亦云如以其詩而已則高者固不
能出唐人以是求之小之乎觀先生矣夫舉世混濁清士乃見當
勝國之季天下浸淫已極先生生其間如清風澄露滌濯寰宇以
開盛代清明之治將見廉頑立懦自有鼓勵一世之作用焉惜天
下既定先生已老不及風雲之會而先生亦得遂其肥遯之志是
其長往固與沮溺丈人輩殊科迨於今故老陳說其遺事猶能使
人欣慕愛樂自拔其沈酣流俗之氣則先生之風所磨礪者遠矣
吾惡夫鄉原鄙夫接迹天下而漫言中行故於先生特表而出之

以附於孟氏之義云同邑後學高攀龍撰

昔泰伯仲雍文身斷髮犇荆蠻荆蠻義之從而歸者千餘家其後
吳立季札季札棄其室而耕乃舍之已封於延陵雲林倪先生自
稱倪迂又稱懶瓚又自稱荆蠻民荆蠻者延陵之故鄉而先生之
所居也先生癖人也而潔爲甚吳之潔者自泰伯仲雍季札而後
梅福潔於市梁鴻潔於傭而指屈倪先生矣先生高臥清閤洗
拭梧竹摩挲鼎彝此曠爲古者能跡之誰能於元兵未動先散家
人產乎能見張士誠兄弟噤不發一語乎能避俗士如恐浼乎能
畫如董巨詩如陶韋王孟不帶一點縱橫習氣乎余讀先生之集
所謂其文約其辭微其志潔其行廉其稱文小而其指極大獨先
生足以當之蓋先生先見類梅福孤寄類梁鴻悉散家產贈之親
故有荆蠻延陵之風月清則華水清則澄雲鮮露生焉下此雖金
碧丹青滓焉而已何堪與先生並先生殘煤斷繭江東之家以有
無爲清俗豈惟張吾吳勁卽置先生於孔庶閒度無愧色或曰倪
先生癖人也似未聞道余笑曰否否聖人之行不同也歸潔其身

而已矣萬曆辛亥秋八月望日雲閒陳繼儒撰

清閟閣全集目錄

○卷之一

四言詩

至正十年十月廿三日余以事交荆溪重居寺主邀余寓其寺之東院凡四閱月待遇如一日余將歸迺命大覺懺除垢業使悉清淨乃爲寫寺南山畫已因畫說偈

義興異夢篇

至正乙未素衣詩

徐良夫耕漁軒

題畫

五言古詩

春日雲林齋居

次韻懷張外史

雨中寄孟集

聽袁子方彈琴

贈天寧福上人

十二月十七日過與之洛澗山居畱宿忽大雪作及明起視戶外巖岫如玉琢削竹樹壓倒徑無行蹤飄瞥竟日至暮未已雪深尺餘因賦詩畱別

別張天民

夜泊芙蓉洲寄張鍊師

蕭閒道館聽袁南宮彈琴是日風雨蕭然有感而作

送高太守之秦郵

蕭閒館夜坐

和吳寅夫對雨見懷

次陶蓬韻送葉參謀歸金華

偶成

次曹都水韻二首

贈錢羽士

送甘允北上

雙寺精舍新秋追和戎昱長安秋夕

寄段吉甫

送章鍊師并寄鄭有道

玄文館讀書有引

述懷

蛛絲網落花

冬日窗上水影

雪泉爲王光大賦

丙子歲十月八日夜泊閭門將還溪上有懷友仁陸徵君

聽袁員外彈琴有引

早春對雨寄懷張外史

懷常州學博強行之

清集
戊寅十二月丹邱柯博士過林下有賦次韻答之

己卯正月十八日與申屠彥德遊虎邱得客字

送友仁之京師

啄木

江陰袁仲徵作軒名篔簹林日夕嘯詠其下至正十二年二月廿四日訪余南蘭陵寓舍徵僕賦詩遂走筆應請然不能盡道軒中清事也

杜真人聽松軒

擬陰常侍一首寄劉祕監趙員外

玉壺中插瑞香水仙梅花戲詠

秋夜賦

述懷

泊舟

寄王光大

次韻酬友人

次韻姑蘇錢塘懷古六首

贈惟寅

送惟寅

至正二十三年正月廿日余與諸友集於貞松白雪軒其地林石奇勝窗牖明潔且主人好文尚古有文武材款坐設肴醴相與嘯詠以小謝雲中辨江樹分韻各賦得辨字

對春樹

送致用游閩

送馬生

寄楊廉夫

寄李隱者

寄韓介石

次韻呈張德常

朱火

寄穹窿主者

題原道西溪草堂

煮石山房

出郭

聽錢文則彈琴

贈王仲和

訓張德機見贈

贈張士行

贈友生

九日過彥行和韻二首

對酒

贈野處民

靈鶴辭

陸德中祈雨有感

卧病

○卷之二

五言古詩

與全希賢

酬友生

尋友人不遇

次張仲舉韻

薛常州讓田詩

潘公鳴皋軒

為張來儀賦匡山讀書處

瞻雲軒

有引

張鍊師祠醮感致瑞鶴賦贈

題趙若巖龍山精舍

詠蓮

送陳惟允之金陵

徐氏南園對雨

春日有感

七月廿四日風雨寂寥與玄度集宗道南窗具酒有宴談遂以永

日因賦

為方厓畫山就題

題驪山圖

為徐有常畫葉湖別墅

題墨竹送顧克善府判之高郵

三月六日同李徵士遊禪說僧舍禮上人出柯博士所賦詩以示

僕而博士君歿已二年展誦為之悽斷因次其韻於後

題畫贈岳道士

題畫贈徐季明

龍門茶屋圖

畫贈呂志學

畫竹贈志學

畫竹寄友人

西老圖

題畫贈九成有引

黃本中書齋為寫寄傲窗圖

送賢良北上

惻惻行

寄張外史

次韻別鄭明德

贈張以中

答張鍊師

贈陸有恆

次韻張伯琦

贈友一作律詩

吾友陸友仁甫舊得古銅印一紐以示余辨之文曰陸定之印以名其子而字之曰仲安友仁既沒仲安求為賦焉

韓伯休

略上人松月軒

和拙逸先生閒居韻

寄良夫契友附一首

答徐良夫附三首

題高士圖

道翁先生取余棄筆戲成五言因次韻

吳淞山色圖一作律詩

惟寅友兄雅志林壑遠寄佳紙命僕寫圖賦詩因作此以寄歲己亥五月八日

至正乙巳五月三日過開元精舍希遠首座為設湯餅煮茗焚香

相餉明日將還穹窿寺因寫竹枝賦詩贈別

余自與庸叔別後不相見近十載矣今年冬邂逅吳下班荆道舊殆若隔世因寫霜林遠岫圖并賦詩以贈

廿二日贈別耕雲

廿三日聞耕雲至北村將來此

曹君達卿婁江西渚隱君子也自號古民息景燕處以禮義說心亦不求知於人今年七十三而耳目聰明體力强健有三男子皆能愉婉其容色以為養又信而智古之樂以說生優游以佚老者吾昔聞而今見之矣耕學叟命為之詩

蘧廬詩并序

寄叔方

癸丑八月訪耕雲高士於西巖因寫耕雲軒圖又為之詩宿王耕雲山居

周遜學辭親秋暑將事于役因寫幽磻寒松圖并詩以遺之附一
拙逸先生賦古意見招次韻奉答

題吳仲圭詩畫次韻附一首

○卷之三

五言律詩

積雨

春日客懷

與張貞居雲林堂宴集分得春字

秋日寄謝參軍

次韻寄王長史

賦雪舟

寄王道士宗晉

題張德常良常草堂二首

悼頂山清上人

垂虹亭

稽山草堂為韓致因賦

俞子中見過

邀張彥高

用韻重寄

贈簡上人

題張氏藜竹軒

遊善權洞載宜興縣志

野眺寄友一作賦平野

寄徐仲清

贈劉道益并示陸明本

賦德機徵君荆南精舍圖

次唐綦毋潛宿龍興寺韻寄方厓

贈謝長源

贈墨生

雲槎軒

悼朱高士

贈道益

送徐元度還江西

題元朴上人壁

贈沈文舉

七月十四日對雨

寄虞子賢

徐伯樞歸耘軒作

贈張韓二君

次韻酬彝齋見詒二首

暮春期潘徵君不至

義興王子明以竹菌餽余口占謝之

贈公遠

對雨懷張貞居

附一首

送僧

贈王光大

聽雨

送李徵君遊荆溪因寄王司丞

五雲書室

雨霽呈德常

答明卿

張天民溪亭

雨凡

寄張景昭

荒村

答光大

寄東白上人

酬雲浦

題邱氏壁

桂花

寄章心遠

賦雪篷

輓張德常

畫寄王雲浦

高進道水竹居

寄王叔明

秋日贈張茂實

期友人不至

義興吳國良用桐煙製墨將遊吳中求售賦詩以速其行

題方厓墨蘭

爲唐景玉畫邱壑圖因題

題風竹圖贈于靜遠

題畫

爲文舉畫柳山圖因題

畫竹寄王彝齋

題李遵道山居圖

贈王生蒙泉

畫江天晚色贈志學

題山陰邱壑圖寄趙士瞻

八月十五夜湖上翫月

三月四日邂逅德方郎官九成掾史於荆溪之上相從及旬而別

因九成徵余畫并賦詩以贈

題漁樵友卷

題畫贈王仲和

過惠山

送宗天章歸廬山

題畫贈張玄度有引

奉寄剡九成

寄張德常

送王叔明

寫秋林遠岫圖贈約齋因題

賦謝王彝齋

三芳圖

題墨一作題墨竹贈李文遠

題畫贈九成

畫竹寄張天民

贈陸隱君

寓法藏禪寺載宜興縣志

浦城春色圖寫贈遜學

聞鶯送別鄭徵士

新涼戲呈甘白

贈郭本齋

畫贈耕雲

贈陳維寅有引

六月六日盧氏客樓對雨一首呈維寅

題郭天錫畫并序

十一月一日燈下戲寫竹石霜柯并題

惟允契友工為詩詞而圍棋鼓琴無一不造其妙雖遊名公卿間

無意於仕進故寫竹枝奉贈又賦此詩

寄友

八月廿日為叔平畫紫芝山房圖并賦

有立徵君名其齋曰端居室讀書學道詠歌先王之遺風於其中

爲之題贈

徐良夫耕漁軒

至正癸亥秋七月三日乘雨至西園因寫此圖賦詩以紀勝遊

宿樂圃林居

爲耕雲賦山居

示友人

題梅花道人墨菜詩卷

孤雲用王叔明韻

五言絕句

題臨水蘭

菌山

羅姑洞

霞駕海

鶴臺

桐葉源

玄洲精舍

紫軒

隱居松

玉像龕

題自畫二首

夜作古木怪石因題

雨竹

二月廿二日潘子素王叔明來訪臨別爲寫水傍樹林圖

寫竹枝爲子中陳君

題鶴

題畫鶴

題王叔明小畫

題夏圭紈扇圖

題畫三首

荆溪載宜興縣志

題秋亭曉色圖

寄友

菜圃

春江獨釣圖

墨竹

題畫與溥泉

題畫二首

畫竹爲景周寫

題畫贈彥貞二首

贈宋仲溫

題秋林圖一作陳則題雲林畫林亭遠岫

六言絕句

田舍二首

畫竹

爲曾高士畫湖山舊隱

題畫八首

南村草堂

雲溪佳處

己酉八月廿六日謾題

題竹二首

題溪山雪霽圖贈以中張君

贈潘仁仲

燕乳

壬子十一月五日余遇牧軒於吳門客邸求寫贈安素高士并賦
至正癸卯九月望日畫贈勝伯徵君并題
東吳十詠

望洞庭

汎石湖

遊靈巖寺

登姑胥山

泊橫塘

懷甫里

過盤門

過獨墅

過車坊漾

歸闔閭浦

題良常草堂圖

至正戊戌八月便過岷翁出趙宗漢雁山高隱圖索題遂作短句

聊博一笑

○卷之四

七言古詩

送徐君玉

寄張徐二秀才

十二月七日岳季堅夜坐走筆贈之

古意一首答曹德昭

劉君元暉八月十四日邀余玩月快雪齋中對月理詠因賦長句

二首

餘不溪詠二首 并序

醉題許生壁

醉歌行次韻酬李徵君春日過草堂賦贈二首

江南春 附二首

賦許君震杏林小隱

贈顧定之

贈康素子

清集目
寄徐元度

陸隱者禱雪獲應

鄭有道隱居梁鴻山

賦耕雲贈友

贈季丙卿

延陵道

送潘生適越

贈陸子華

宿薩判官家聽琴

送錢成大赴淮南

李徵君將還揚州因言沈郎官吳中賦此以寄

姚節婦詩

奉寄沈理問

贈丁醫士

詠鶴

蟬螭

秋鶴軒

賦翠濤硯

題王元用秋水軒

送顧生歸四明

贈陶得和製墨

郭文顯推人禍福神驗賦贈

題陳氏齋壁

題曹雲西畫松石

對梓樹花

題趙榮祿馬圖

爲曹僉事畫溪山春曉圖因題

畫寄王雲浦

題畫

畫竹贈王允剛

題畫竹

題畫贈呂彥真

至正十三年三月四日同章鍊師過張先生山齋壁間見柯敬仲墨竹因懷其人其詩文書畫鑒賞古跡皆自許為當代所少狂逸有高海岳之風但目力稍恕耳今日乃可得耶

送潭州魯總管

十一月廿三日率性德原共載過林下而余適不在遂返棹還家

明日詩來因次韻重邀之

題文貞公墓道奉先亭子

恆德堂

賦清隱閣

寫墨竹贈顧友善

贈邱氏兄弟及周生

題柯敬仲竹

古劍行

富貴詠

食無肉

趙善長氏妙於繪事以荆關法為遜學周君畫天香深處圖為賦此篇

次遜學廣文舟出金焦山韻

和周正道拔時髦韻

春草堂

至正丁酉十一月五日余友陳兄惟允過余旅寓鼓楚詞一再行因寫墨君并走筆賦長句以贈時漏下二刻矣筆硯荒落自愧草草惟允當有以教我耶

寫松江山色并詩贈子俊茂才

題虞勝伯畫仙臺高士圖

壬子九月望日過孤雲大士寶淨精舍畱宿十九日為寫林亭遠

岫圖并賦

題趙千里扇上畫山 附三首

苦雨行

沉滄浪

至正乙巳五月廿三日畫雅宜山齋圖并題

戲贈東方生

送友之紹興

題張外史翦韭亭

壬子九月十九為潘翁仲暉畫并賦詩右方

泉州兩義士行

○卷之五

七言律詩

送倪中愷入都

送張外史還山

別姚子章都事

送徐子素

送張鍊師遊七閩

聽秋軒

晨起一首寄丹邱

次錢思復見貽韻

東林隱所寄陸徵士

失鶴

北里

山園

林下遣興

春日

林下

二月十日立文館聽雨

對雨寄張伯雨

次陳子貞見示韻

次韻答郊九成見寄

和虞學士寄張外史韻

再用韻

贈張景昭

送章鍊師入京

與伯雨登溪山勝概樓

送張貞居遊靈常洞兼簡王晉齋

過許生茅屋看竹

答王彝齋

八月廿三日畱南宮岳山人飲明日岳山人過玉山南宮老矣不

知復幾聚首觀花聽琴情不能堪因賦兼柬玉山

在同里懷元用

寄王成夫

乙未歲余年適五十幼志於學皓首無成因誦昔人知非之言慨

然永歎賦此

三月廿二日雨懷荆溪勝遊寄原道

上巳

題張以中野亭

送德常同知

贈君震

江上作一作贈友生

燕吳氏樓居

九日

懷歸載都玄敬先生詩話

雪後過陳子貞隱居

贈友

荆溪卽事

顧仲贄過訪聞徐生病瘥

雨後

次柯博士寺壁題韻

吳門賦謝陸繼之黃柑紫蟹之貺

送甘允從

鶴溪為張天民賦

悼頂山清上人

送貞居還山

寄貞居及柳太常鄭有道次前韻

寄王叔明

薩仲明為丞相府掾時儻居京師名其軒曰半野後買宅延陵亦

揭是名於軒因信宿軒中賦此贈之

送寶南琛往住荆溪碧雲寺兼柬方厓

八月三日與劉道益連牀夜話風雨淒然五日開霽道益賦詩見

貽次韻二首

別張玄度

送張以中由宜興歸金壇

甘允從來過溪上將還汝寧賦此奉送

奉和虞學士賦上清劉真人畫像二首

寄養正

送僧遊天台

送諸從事之越中

贈岳松澗

答邵生

逢張玄度

寄熙本明二首

寄錢伯行

居竹軒

送祖芳二上人參禮育王寺光公

寄張天民

送簡禪師易道

寄陸靜遠

雲泉小隱為張德機賦

送盧錄判之建寧

寄曹德昭

賦王真人胎仙樓

過蘭陵宿蔣達善家

寄張貞居

送徐元度

奉懷張外史

寄鄰九成

初書寄以詩來別且諄諄開諭深見方外之情因次韻奉謝併期

面別

鄭德明新居

送浙憲掾劉彥文并簡張貞居

寄吳子併懷貞居

謝伯理東還訪之不遇走筆奉寄

寄盧士行

訓曹德昭

張貞居有詩東梁鴻山楊君次韻和之

杭人有傳余死者貞居聞之愴然因賦以寄之二首

寄張德常

寄陸明本索酒

蕭從善集其師外史張君詩賦贈

贈張楨

答德常別駕初夏見懷

苦雨

春日送別余一秀才

西野對雨有懷明本彥準并呈道益

贈葛子熙

畱別王叔明

十二月四日和德原率性賦雪韻

題孫氏雪林小隱

喜謝仲野見過

述感

張德常明公舊有良常草堂在金壇之華陽洞天揭曼碩張仲舉

諸學士嘗賦詩紀勝其後德常宦遊無定居政績顯著今爲松

江府判因潘以仁之便輒賦七言一首奉寄

寓齋秋懷次韻三首

綠波軒二首

三月一日自松陵過華亭

病中懷故友華陽外史次韻

呈錢復思用前韻

呈諸友人再用前韻

歸錫麓

二月二十日大風

寄陳庶子

俊仲明以詩見示次韻謾酬

送柳道傳東歸

寄開元長老兼呈鄭明德

呈良常安遇伯仲

送梁生讀書沈莊

題王敬之壁

寄周履道

寄顧仲瑛

寄王明卿

題荆南精舍圖

題米南宮石刻遺像

題畫貽王光大

用王叔明韻題畫

題松雪墨竹

辛亥六月三日寓實性源禪房為寫竹梢因賦三首

寫畫贈潘仁仲醫士

貞居君在餘杭北郭結樓居之號茅嶺行窩予久欲往觀而未能

也茲貞君適有來此之約因寄一首

再用韻呈張伯雨潘子素

附一首

柬友

曹伯高為曹尚書之子以下居詩卷索題走筆漫應

陽春堂

風雨

附一首

○卷之六

七言律詩

屋漏

贈惟寅

有引

曲彥遠寄茗裹賦此道謝且求致梨栗木瓜

故吾

三月二十二日雨懷荆溪舊遊寄原道

訓友生

二月晦日聽劉伯容彈琴

答元用

同通書記過鄭先生舊宅

馬國瑞東臯軒

次韻張榮祿追和楊別駕賦王番陽東湖勝遊四首呈雲浦耕雲

二君

贈王文靜

和王子明韻

送盛高霞

陸文玉見過時余初喪長子

贈道士李嘯虛

送霞外師過磧沙寺因寄鄭博士毅長老

次韻贈林泉民張孟辰

送葉道士東歸分得懸字用韻三首

贈別榮子仁

雨中在林氏賦贈徐生

戲題嚴錄事所集書畫藪

以龍尾硯寄錢徵士

宿清流堂

題畫送僧

夜宿張判府環綠軒贈玄度

子章號夢庵走筆題

江上遇楊德朋

題春山高士圖和韻

過桐里

寄陳余二校書

宿普度僧舍

贈姚掾史

賦居延王孫德新小隱軒

次德機韻一作賦德機荆南精舍圖

別彥貞

挽鶴溪張先生

首頁即興呈貞居

寄盛高霞

題畫貽王光大

寄白石

送杭州謝總管

丙午十一月十九日避泖上丁未十二月十六日始去此至陳溪

分湖間矣因寫喬柯竹石并題

寄錢伯行

題本中峰觀蓮像

呈良常

寄朱府判

清明

寄徐季明

學書

贈范壻

題鄧氏扇上

李文遠製墨次吳寅夫韻

贈墨生吳善

贈墨生沈學翁

四月廿八日蓬屋題

擬賦岳鄂王墓

再二首

盧公武甫當世衰道卷之際獨能學行偉然不但賢於流俗而遂已不愠人之不知嗜古金石刻辭汲汲若饑渴隱居婁江之鹿

城澹泊無營若將終其身焉命予賦鹿城隱居詩因賦

和甘白先生樂圃林居二首甲寅六月五日

十六日夜聽甘白彈琴

廿八日又一首

貞壽堂爲吳縣尹楊彝作

因儒者董惟明至荆溪輒寫贈別士元鄉契一詩以呈厓翁知己承數念及恐欲知近況何如耳

兩往候見皆不得面賦此奉寄以寫我心須稍涼再謁耳瓚上惟

寅高士

野舟西堂吾鄉之英才也辛酉冬仲邂逅於簡村蘭若爲寫江山夕照圖并詩以贈野舟又號牧菴故云耳

題陳虛碧畫

八月二日雨涼寄道翁親契

畱別道翁二首

題顧定之爲周正道寫篔簹圖

和拙逸翁謝惠紙扇之作

次拙逸叟立春韻

題周遜學天香深處卷

次遜學道經錫麓懷外家韻

一菴大士舊雖識未深相知庚子二月十四日復訪之於壽明卽

畱三宿挹其風標聽其言論始知古德師也余恐其慈忍拯溺之心過甚未卽深僻幽閒之地乃寫竹梢并賦以撼之云爾十

六日懶瓚和南

壬子正月廿三日邂逅芝年講主於婁江朱氏之芥舟軒中芝年熟天台之教旨嚴菩薩之戒儀七遮旣淨一乘斯悟與語久之

斂衽敬歎因寫圖賦詩以贈

七月六日雨宿雲岫幽居文伯賢郎以紙索畫因寫秋亭嘉樹圖并詩以贈

留別勝伯徵君

寄惟允

題安處齋

送虞勝伯之雲間求先世遺書

上平章班師

次韻畚陳叔方早春見懷二首

贈周校書

西神山行

載錫山志

送朱善良

老唐有詩見寄謂冷淡無錢覓即欲返棹豈知不冷淡而冷淡中

有溫甘者存焉

易尚賢赴鮑郎場司丞次王叔明韻

白馬寺通長老修圓覺期化緣

至正九年八月十六日計籌山呂尊師訪予蕭閒館為予言顧仲

瑛徵君玉山隱居之勝輒想像賦長句以寄他日尚同袁南宮
攜琴嘯詠竹間也

別章鍊師

送盛道士遊越

送元白上人往中竺

因吳國良過玉山草堂賦詩奉寄

昔張外史有古銅洗種小蕉白石上置洗中名曰蕉池置積雪軒

西園老人追和張劉二君詩書挂軒中余亦為之次韻

題良夫遂幽軒

贈茅山陳太虛

題朱澤民為良夫作耕漁軒圖

和正道哭外孫張汶二首

送賴善卿采詩

題本立中上人雲山望松圖

次孟辨見寄兼柬立中蘊中二大士

贈述首座

九日田舍小酌

和默菴遊林屋二首

題竹

三月廿日遊海雲蘭若寫竹石古槎

十三日晚步良輔南園

次薩天錫韻寄張外史附一首

寄鄭徵士附二首

和朱秉中三首

彥植繼和復答二首

寄德朋

贈楊大同

題枯木竹石

以道因詠余舊詩春日試筆一首今三十年矣併書畫上

次韻叔勝先生七言一首錄呈伏冀賜教

重改次韻奉答

歲在甲寅中秋夜寓姻鄒氏病中詠懷

壬子七月一日畱昌言高尚書堂寫圖賦贈

贈別宋君仲溫有序

○卷之七

七言絕句

吳中

九日登華氏溪亭

六月五日偶成

竹枝詞八首

二月十九夜風雨淒然南渚旅寓篝燈與端叔共坐因念兵戈滿

地深動故山之思遂賦一絕

答陳參軍

偶成

贈馮文仲

春日三首

水仙花

絕句

寄友

正月廿六日漫題

宿玄文館

答范徵君見懷

別潘先輩

宜遠樓

次曹都水韻二首

慧麓小隱

題玄會菴壁間

追和戎昱寄許鍊師

至正十四年二月廿五日雨郊君九成畱宿高齋篝燈爲寫春林

遠岫圖併次其韻四首

附四首

村居

雙井院前小立

舟過梁谿

宿義興先太初上人房二首

雪中折枇杷花寄吳寅夫

雪不止重寄

三月廿日題所寓屋壁

鄰牆桂花盛開

題靈巖寺壁

寄陸鍊師

贈曹德昭

客舍詠牽牛花

江上

晚照軒偶題二首

寄友人

煙雨

聞竹枝歌因效其聲二首

雨後

四月七日雨

六月十一日題吉祥庵壁二首

乙巳三月七日清明風雨憤憤賦此

雅宜山舊名娜如山蓋虞道園所更然未若娜如之名近古也施君宜之先隴在其處索余賦詩因爲竹枝歌二首遺之以復其舊焉

二月十五日雨作

寄曹都水

送初上人參禮光公二首

對雨遣懷

懷都水曹君

贈墨生吳善

寄德常別駕二首

松陵

秋容軒三首

雜賦五首

贈通上人二首

煙鶴軒二首

寄友

與錢伯行宿棲雲堂

贈金嬾翁製箎篴

寄人

調玄度

六月九日過以中野亭賦

墨梅

贈玄容

林亭晚岫

王都事家聽周子奇吹笙

聞鶉鳩

答王長史

寄雪林隱君索折芍藥花

春雨

寄王叔明

題張元播扇

贈原上人

調張德機

贈張德常二首

又寄

題墨竹

題李光祿墨竹

題宋仲溫竹枝

寄王主簿

寄張處士

人我二首

因廬山甫便寄曹德昭

船中

答王長史

秋日二首

贈岳子

寄安遇

雨晴

七月二十八日過邱氏林居秋風騷然至暮大作終夜不息因

成小詩

詠鵝三首

二月六日南園四首

贈僧

絕句

題高房山畫卷

吳仲圭山水

題秋江圖

畫竹贈申彥學二首

雲林小景圖

後數年復用原韻

題畫十二首

為吳溥泉畫窠石平遠圖漫題

題畫贈原道

題張以中畫

題吳采鸞像

為吳處士畫喬林礪石

題趙榮祿指癢馬圖

題棘禽筠石圖 送高霞還玄元館

題陳仲美畫次 送貞居韻二首

為蹇原道題竹木圖

題寂照蔣君遺像二首 并引

題曹雲西畫

題畫與強仲端

題畫贈崔子文之金陵

拜石圖

題畫二首

題竹樹圖二首

為德常寫竹

題畫竹贈張元實

次張外史韻題商學士畫

柯丹邱梅竹

古木竹石圖

題畫贈王允同二首

二王遊騎圖

看花仕女圖

仕女剖瓜圖

趙魏公蘭

管夫人竹

柯丹邱梅竹

題陳惟允畫

題趙承旨墨竹

題木石贈邱志

荆溪秋色圖為卜震亨題

為潘仁仲寫梧竹草亭

韋羌草堂圖

宿禪說僧舍題趙榮祿馬圖

畫贈王生

松澗圖

題墨水仙花

仲穆馬圖

題幽篁古木圖贈文靜徵君

題畫竹七首

題畫四首

中州人物獨黃華父子詩畫逸出瓊裘之表為可尚也觀澹游此卷筆意蕭然有蔡天啓之風流蓋高尚書之所祖述而能冰寒於水與卷後有歐陽承旨所賦詩不揆因次其韻時丙午六月晦日

後二十三年為戊申歲元度張君得此持以示僕披卷如夢寐間也因援筆次外史韻詩已為之泣然外史已仙去張榮祿鑑禪師不見數十年存亡不能知尤令人悽斷也九月十日題

○卷之八

七言絕句

題畫贈原道

清明後題

次韻呈錢思復

次韻再呈

次韻答王彞齋見贈

春日

送友還毘陵

睡起

戲贈大雲

環綠軒

題竹

順逆

別陸氏女

寄人

寄韓伯清

言意

題畫

題太癡畫

靜寄軒詩三首

爲仲章寫竹石

次韻呈張師道

用陳子貞韻題畫

題李遵道畫

題畫四首

青山

寄友

十六日雨晴

拜石圖爲王文靜題二首

畫竹二首

題黃子久畫

懷呂君

聽琴

贈別姚子章都事

雨窗排悶二首

感懷

題畫

醉後調張德機四首

白石先生古貌古心輕財而重義實生於吾後之師令人寤寐不能忘但幽居默如潛逃則殊令人憤憤耳昨暮辱醉中詞翰讀之灑然也因次韻希一笑二首

連雨

松雪馬圖爲原道題

題畫竹二首

題畫贈伯亮

謝筆

高尚書畫竹

警時

己酉元日題徐氏南園壁

六日題

贈別

張外史素不善畫醉墨戲寫張洞奇石頗有一種逸韻德明裝潢

成卷走筆為賦

松雪馬圖

贈潘仁仲

庚戌冬舟過泖西寫竹石小幅贈仲端友契

送徐仲清還毘陵

題墨萱

贈沈椽

題王叔明巖居高士圖

李伯時畫

題畫贈單君

贈伯清

贈故人孫

題彥貞屋壁

題畫贈盧山甫

題畫

戲筆

題周遜學天根月窟軒

正月四日夜風雨拙逸齋賦

為蒙菴題吳仲圭竹枝便面

竹樹小閣

題畫贈均玉

西湖竹枝詞二首

題日本僧畫

題畫

題竹

題畫竹贈西溪處士

題鄭所南蘭

己酉十月八日訪伯疑文學寫圖以贈

寄良常

四月訪衡齋高士

題芭蕉仕女

歲庚子十一月廿日邂逅雲岡道師於長洲邑東之衍慶院以此
紙命寫竹石并賦詩而紙筆皆不佳漫爾作此愧不能工道師
憫世憂國以道德為己任汨汨城邑之中不以為苦不肯自超
於風埃之表也故末句諷之
四月廿日過江渚茅屋雜興四絕句錄呈雲浦明公以代對面

畫竹

題畫二首

蘭亭

古木竹石

題張遜鈞勒竹二首

題畫

畫竹次鄭元祐韻

筠石喬松

己酉二月廿一日為清明日風雨淒然舟泊東林西澣步過伯璇
徵君高齋焚香瀹茗出示燕文貴秋山蕭寺圖展玩良久因寫
是日所賦絕句其上

壬寅仲冬寫竹枝贈潘友復詩其上

辛亥秋寫竹梢并詩奉贈次宋徵士

至正三年癸未歲八月望日進道過余林下為言儻居蘇州城東

有水竹之勝因想像圖此并賦詩其上
樹石

辛亥春寫松亭圖并詩贈德嘉高士

從善道契過笠澤以士雍高士此紙求寫竹枝畫已并賦

至正十三年二月晦日爲公遠茂才寫古木竹石并賦

四月十七日寫筠石春樹并詩以贈叔平道契

乙未歲四月廿日過仲寶隱君宅因賦題松泉畫幀

題衛明絃洛神圖

辛亥二月廿九日留華亭南里潘君以仁宅因懷去年此日與心

遠伺在餘不溪開玄仙館

寫晴梢并詩贈日章貞士

國寶照磨有平野軒在揚州城郭中今寓吳十許年矣至正丙午

九月十一日在開元寺爲寫此圖并詩以贈

昨日承蔬筍不托之供獲清言永日別後與元舉叔陽攜琴過普

陀精舍相與盤礴林影水光中而令子來始知從者散步韓墅
橋急遣一介往候則從者興盡已返矣經宿不面且來雷雨大
作想惟動靜輕安昨見尊俎間韭芥蒿菜之屬秀色粲然今日
得雨必是苗芽怒長更佳也況蒙許送久伺不見至戲作小詩
促之

七日訪徐良輔十三日至七寶泉上及暮舟還耕雲軒二首

中秋月下歡飲

中秋夜月明勝常年良夫與景和攜酒至耕雲軒酣飲及二更乃
就寢十六日夜陰雲半天宇月光或隱或見十七日夜月已不
如中秋月色朗澈十八日暮雨作至十九日不止因賦

題坦率子畫

寫竹枝贈成之隱君

寫竹石贈錢自銘

貞居道士往常熟山中訪王君章高士予因寫梧竹秀石奉仲素

孝廉

題朱澤民小景

題畫

題趙彥徵小畫

登天平

病中九日懷山園三首

題曹幼文雪林圖

自題畫

附一首

江渚茅屋雜興四絕奉寄雲浦理問兼示良夫隱士

題高彥敬山水圖

中秋偕徐良夫飲耕雲山居

煙雨中過石湖三絕

懷耕漁大隱

八月廿一日出鳳岡

寫竹梢寄耕雲

采薇

阿房宮

訪古道首座因見呂志學詩篇二首

寫畫贈馬彥敬

題顧定之竹

連雨

畫溪山春霽圖

次潘瓠齋韻題丹邱墨竹

附一首

追和蘇文忠公墨跡卷中詩韻八首

附三十七首

王雲浦示余米元章詩卷次韻辛亥八月望三首

附三首

寫春山嵐靄贈仲章沈君至正九年三月一日

附二首

陳母莊氏節義

附一首

題甕牖圖

畫竹石一幅水墨附十七首

贈宋仲溫

答謝參軍

寄德常別駕

題大癡畫

醉後乞藥

辛亥七月廿五日為子明曹君寫空山芝秀圖并賦詩于上

正月十日毘陵故人何士信先生來求予畫因寫古木幽篁圖并

賦詩以贈

○卷之九

樂府

小桃紅三首

蹋莎行

鷓鴣天

江城子

蝶戀花

清平樂

凭闌人

人月圓二首

太常引

殿前歡

水仙子二首

折桂令

又

水仙子

江城子

柳梢青

南鄉子

太常引

鵲橋仙

憶秦娥二首

如夢令

贊

釋迦牟尼佛贊

鶴林周玄初像贊

金粟道人小像贊

立菴像贊

鶴溪先生像贊

趙士瞻小像贊

陳天倪處士像贊

王季野像贊

良常張先生像贊

題跋

題唐張長史春草帖

題唐懷素酒狂帖

題東坡村醪帖

題黃子久畫

跋陳惟寅作關羽論

題天香深處卷後

題紫華周公碑傳行狀後

跋蔡君謨墨蹟

跋趙松雪詩稿

題陳惟允畫荆溪圖

題師子林圖

題張貞居書卷

題宣伯炯書

跋畫

跋畫竹

跋環慶王氏所藏趙榮祿六帖

跋畫卷後

題畫卷 附跋一首

題畫 附詩一首

題畫 附詩一首

題荆溪清遠圖

畫龍門獨步圖 載秣陵盛時泰城山總錄

題畫

題仙山圖

重覽紫華周公碑傳

題周遜學府君遺翰後

題王耕雲所藏墨蹟

題高房山畫 載媿古錄

題王右軍楷書帖 載文氏停雲館帖

書次韻惟寅高士姑蘇錢塘懷古六詩跋 載文氏停雲館帖

○卷之十

雜著

拙逸齋詩藁序

秋水軒詩序

謝仲野詩序

荆溪圖序 載宜興縣志

樵海詩集小引

陳惟寅僦屋疏

題良常草堂疏

懶遊窩記

忠靖王廟迎享送神辭 併序

尺牘
答張藻仲書

與耕雲書

與周正道

與介石十六首

與彝齋學士先生十二首

與陳叔方二首

○卷十一

雲林外紀

○卷十二

雲林外紀

光緒乙未武進盛氏思惠齋刊宿松高駿烈陽湖吳文郁江陰謝寶琳全校

清悶閣全集卷之一

梁溪倪瓚元鎮

四言詩

至正十年十月廿三日余以事來荆溪重居寺主邀余寓其寺之

東院凡四閱月待遇如一日余將歸適命大覺懺除垢業使悉

清淨乃爲寫寺南山畫已因畫說偈

我行域中求理勝最遺其愛憎出乎內外去來作一作止夫豈有

礙依桑或宿御風亦邁雲行水流遊戲自在乃幻巖居現於室內

照胷中山歷歷不昧如波底月光燭盼昧如鏡中燈是火非詒根

塵未淨自相翳晦耳目所移有若盲瞶心想之微蟻穴堤壞輾然

一笑了此幻界

義興異夢篇

辛卯之歲寅月壬戌我寢未興戶闔於室爰夢鬼物黯淡慘慄或

禽而角或獸而狨夔足駿奔豕形人立往來離合飛搏跳擲紛攘

千態怪技百出予茲泊然抱冲守一廓如太虛雲斂無迹晨雞既

鳴冠櫛斯畢涉庭而詠已化奚恤春風惟振亮月在席凋瘁何損
榮華匪益獨以圓悟境無順逆愚夫說夢轉墮迷惑滔滔天下病
者良極僣我大雄拯此羣溺

至正乙未素衣詩

素衣內自省也督輪官租羈繫
憂憤思棄田廬斂裳宵遁焉

素衣惶兮在彼公庭載傷迫隘中心怔營彼苛者虎胡恤爾氓視
氓如豨窳辟尤詬禮以自持省焉內疚雖曰先業念毋盪失守而
不遷致此幽鬱身辱親殆孝違義屈蔚蔚荒塗行邁靡通雖雖鳴
鳳世莫之逢夕風淒薄曷其有旦吁嗟民生實罹百患先師遺訓
豈或敢忘簞瓢稱賢樂道無殃予獨何為悽其悲傷空谷有芝窈
窕且廓爰宅希靜菽水和樂載弋載釣我心不忤安以致養寤寐
忘憂修我初服息焉優游

徐良夫耕漁軒

鄧山之下其水舒舒林廬田圃君子攸居載耕載漁爰讀我書唐
虞緬邈愴矣其悲棲遲衡門聊得我娛敬慎誠篤德罔三二四勿

是克一作事三益來一作斯萃彼溺於利我以吾義彼自暴棄我以仁
智匪今之同惟古是嗜虛邪逍遙隱約斯世

題畫

義興之山維水瀾瀾載遊載詠操觚挾几聊樂一日百歲奚俟

五言古詩

春日雲林齋居

池泉春漲深徑苔夕陰滿諷詠紫霞篇馳情華陽館晴嵐拂書幌
飛花浮茗盃階下松粉黃窗閒雲氣暖石梁蘿薦垂翳翳行蹤斷
非與世相違冥棲久忘返

次韻懷張外史

緬懷蕭閒館乃在華陽天焚一作燒

香坐幽一作當陽谷濯纓向清泉真

靈浮空至樓觀與雲連彈琴明月下飄飄舞胎仙

雨中寄孟集

英英西山雲翳翳終日雨清池散園文空林絕行屨野性夙所賦

好懷誰共語燒香對長松相與成賓主

聽袁子方彈琴

蕙帳凝夕清高堂流月明芳琴發綺席列坐散煩纓迴翔別鵠意
縹緲孤鸞鳴一寫冰霜操掩抑寄餘情

贈天寧福上人

荆溪霜落後銅官日出初自櫛頭上髮更理篋中書上人從定起
詠言方繞除邂逅發微笑幻身同太虛

十二月十七日過與之洛澗山居畱宿忽大雪作及明起視戶外
巖岫如玉琢削竹樹壓倒徑無行蹤飄瞥竟日至暮未已雪深

尺餘因賦詩畱別

世途縈荏苒歲晏不知歸密雪竹林夜挑燈共掩扉蕭條塵慮淨
諷詠立言微遇此巖中賞心事悵多違

別張天民

鳴雁將北歸徘徊舊樓處江湖春水多欲去仍回顧稻梁豈余謀

縉繳非所慮猶爲氣機使暄冷逐來去寥寥天宇寬彼此同一寓
風萍無定蹤易散聊爲聚君看網中魚在疾猶相煦

夜泊芙蓉洲寄張鍊師

芙蓉猶滿渚疏桐已殞霜泊舟菰蒲中吳山隱微陽因懷靜默士
竹林闕玄房煮茗汲寒礪燒丹生夜光憶與鄭郊輩閒詠步修廊
時子有所適顧瞻重徜徉庭下生苔蘚牖閒繙詩章奕勢鄭老勝
酒榼郊生將雅歌雜談諧列坐飛羽觴子歸日已晚棗栗亦傾筐
揮手輒謝別暮宿荒城傍遲明趨所期待子鄭公堂晨往遂至昏
企望徒俛俛乃嗟仙真馭固非世所望惻惻理歸棹汎汎秋浦長
還尋甫里陸更醉山陰王素冠斯馳贈喜知終未忘余茲將遠適
旅泊猶彷徨微風動虛碧初月照石梁曠望對清景賦詩託陳郎
扶苓思同煮夜雨共匡牀

蕭閒道館聽袁南宮彈琴是日風雨蕭然有感而作

玉琴轉清亮風雨更飄颻疏桐蔭高館朱槿耀芳條生物曷可遏

撫事發長謠弱齡陪清譙櫛髮想垂髫相見日以老離居夢且遙
秋江眇雲水去鶴影搖搖

送高太守之秦郵

秦漢置牧守猶古之侯伯封建而郡縣仁政固不易漢宣知所本
畱意二千石慎哉高侯車願循古轍迹

蕭閒館夜坐

隱几忽不寐竹露下泠泠清燈澹斜月薄帷張寒廳躁煩息中動
希靜無外聆窅然玄虛際詎知有身形

和吳寅夫對雨見懷

溽雲變陰晦零雨隨風濤的皪集蓮池飄飄灑蘭皋朱絲緩瑤瑟
綠錢生寶刀撫事增慨慷端居倦遊遨處世每慙柳懷人徒詠陶
脆質愛靈藥閒情宜弱毫

次陶蓬韻送葉參謀歸金華

手把玉芙蓉青天騎白龍出入人間世飛鴻蹋雪蹤瑤草粲可拾

羣峰森玉立璧月挂天南離離星斗溼君昔在山時玉韞山有輝
因同白雲出更與白雲歸白雲無定處豈只山中住河漢共縈紆
經天復東注金華牧羊人遊戲不生嗔笑拂巖前石行看海底塵
手調白羽箭陋彼磨銅硯一語不投機歸歟寧再見士豈始隗乎
全趙匪相如項王疑亞父竟爾龍爲魚擾擾何時已百年聊寄耳
良也報仇歸言從赤松子去山今幾年還山大學仙天台司馬宅
雲氣近相連

偶成

積雨不爲休蕭條使人愁哀吟四壁靜病臥百蟲秋開門望原野
江湖滂交流誰能載美酒爲我散煩憂

次曹都水韻二首

杜陵布衣翁許身稷禹行賦詩原正始感事多哀傷煌煌萬丈焰
岌岌數仞牆君能仰餘輝假日尚一作高升堂

弛擔息荒途日暮將安之挾彈狂遊子鬪雞輕薄兒眾方巴人唱

獨歌陽春詩天門何嚴邃綠窻隱杳思
贈錢羽士

鍊師好神仙望拜金母臺
靈應立運煌煌秀靈菱
天風流瓊響夕露調玉杯
鳳棲池上竹雨添階下
苔時見兩青鳥碧海傳書來
感此忽自笑飄然遺氛埃

送甘允北上

翔鴻縱高姿流水去不息
枉道別友生揚舲望京國
婉孌前途憩蕭條餘景匿
神京衣冠會左右金陽宅
驅馬流星繁垂軒春霧集
嘉子玉質朗早通金閨籍
行逢明主願入補詞臣職
束帶向晨趨陪讌終日昃
芳年易為晚所願崇令德
英英白雲飛渺渺青山隔
秋風應節起萬里思親客
遲子返舊居銜杯數相覲

雙寺精舍新秋追和戎昱長安秋夕

秋暑晚差涼茗餘眠獨蚤
清風振庭柯寒蛩吟露草
晨興面流水西望吳門道
不知人事劇但見青山好

寄段吉甫

昔者段干木踰垣避其君
冥翳巖穴間清風扇炎氛
德絲百世下吉甫賢且文
神鸞養奇采芳芷結幽芬
回視當世士雞鶩正紛紜
區區事夸斂子獨介不羣
舍瑟作而歎此道誰復云

送章鍊師并寄鄭有道

良覲忽云阻桐花今亦繁
落日滿洲渚揚舲念孤騫
因懷息機叟蘊真從灌園
晨掃石上雲仁子接清言

立文館讀書

有引
余友立中真師在錫之東郭門立靜舍名立文館幽潔敞朗可
以閒處至順壬申歲六月余寓是兼旬謝絕塵事游心澹泊清
晨極沐浴竟終日與古書古人相對形忘道接翛然自得也且西
神山下有泉味甚甘冽與常水異館去山不出五里故得昕夕
取泉以資茗苑余讀書研道之暇時飲水自樂焉乃賦詩記事

真館何沈沈寥廓神明居
陽庭肅宏敞丹林鬱扶疏
睠言茲遊息脫屣榮利區
檐榱初日麗池臺涼雨餘
焚香破幽寂飲水聊舒徐
潛心觀道妙諷詠古人書
懷澄神自適意愜理無遺
誰云黃唐遠

泊然天地初迴首撫八荒紛攘蚍蜉如願從逍遙遊何許崑崙墟
述懷

讀書衡茅下秋深黃葉多原上見遠山被褐起行歌依依墟里閒
農叟荷蓑過華林散清月寒水澹無波遐哉棲遁情身外豈有它
人生行樂耳富貴將如何

蛛絲網落花

落花綴蛛網蜀錦一規紅既映綺疏外復照碧池中含悽戀餘景
散魄曳微風昔人問榮穢詎識本俱空

冬日窗上水影

日池浮湛澹霞牖上縈迴敷腴三素雲照耀青蓮臺高流輝自下
含漪斂復開尸坐以默觀靜極自春回

雪泉爲王光大賦

高齋面絕壁林密徑難尋風落松上雪零亂幽澗陰皓潔映鶴警
清圓和瑤琴閒詠以自樂聊用忘華簪

丙子歲十月八日夜泊閭門將還溪上有懷友仁陸徵君

明發辭吳會移舟夜淹泊空宇垂繁星微雲暝前郭沈沈抱沖素

悄悄傷離索歸掃松徑苔遲君踐幽約

聽袁員外彈琴

有引

至正四年十一月袁員外來林下爲雷兼旬臘月十七日快雪
初霽庭無來跡與僕靜坐因取琴鼓之古音蕭寥如茂松之勁
風春壑之流冰員外時年八十有二顏貌筋力未如四五許
人爲言甫弱冠遭逢盛明初宰當塗過九華山道逢神人與棗
食之後數數見夢寐間若冥感立遇者員外韜耀蘊真仕
祿以自給不爲人所知豈郭恕先之流歟爲賦五言以贈

郎官調綠綺谷雪賞初晴兩忘絃與手流泉松吹聲問言踰八十
云嘗見河清挂帆望九華神人歛相迎啖以海上棗歡愛若平生
玄遇寧復得惜哉遺姓名

早春對雨寄懷張外史

林臥苦泥雨憂來不可絕掀帷望天際春風吹木末飛蘿散成霧
細草綠如髮念子獨高世南山修隱訣取瑟和流泉操瓢酌明月
神安形不凋跡高行自潔思之不可見饑渴何由歇願爲鸞鶴翔

南遊拂松雪

懷常州學博強行之

君在西溪上年年楊柳春提壺坐柳下邀我見情真青葉已垂帶
白花還覆蘋別來今見柳思爾采芳芹

戊寅十二月丹邱柯博士過林下有賦次韻答之

積雪被長坂臥疴守中林山川雖云阻舟楫肯見尋傾蓋何必舊
相知亦已深驚風飄枯條清池冒重陰聯翩雙黃鵠飛鳴綠水滄
顧望思鬱紆徘徊發悲吟願言齊羽戩金石固其心歡樂胡由替

白一作黃髮期滿簪

己卯正月十八日與申屠彥德遊虎邱得客字

余適偶入城本是山中客舟經二王宅弔古覽陳迹松陰始亭午
嵐氣忽斂夕欲去仍徘徊題詩滿苔石

送友仁之京師

春風吹蘭芷佳人將遠遊遠遊何當還神京鬱雲浮睠言英邁志

飛轡不可留豈無金閨彥與子結綢繆河山風氣雄江水日夜流
遙瞻雲中雁庶以慰離憂

啄木

何處啄木鳥飛止於喬林微形亦以勞終日聞其音所願木向茂
不使蝨日侵吁嗟人之徒曾不如鳥心

江陰袁仲徵作軒名篔簹林日夕嘯詠其下至正十二年二月廿四
日訪余南蘭陵寓舍徵僕賦詩遂走筆應請然不能盡道軒中

清事也

風生篔簹谷雲迷渭水原蕭蕭春雨後翳翳清陰繁憶昔文使君
燒筍具盤飧彭城詩適至大笑飯爲噴風流成異代寂寞今誰論
夫君暨陽隱字徵其姓袁二仲接俸遊子猷時到門冠同薩縣製
坐對宜城尊翠羽共棲託鳳雛亦孤鸞載誦偃竹記忽若聞清言
邈哉古人跡尚友不可諉

杜真人聽松軒

計籌白石頂聞有丹邱生和玉飲晨露寒林飡絳英止鶴眠松警
螢火照書明爲善得仙道倏然不近名
擬陰常侍一首寄劉祕監趙員外

幽并游俠地都城百雉連河漢瞻疑近雲鳧信是仙樓分霞欲曙
花將月共妍摘臺傾藻思獻賦足爲傳還知跨烏鵲夜宿綵雲邊
玉壺中插瑞香水仙梅花戲詠

寒梅標素豔幽卉弄妍姿團團紫綺樹共耀青陽時折英欲遺遠
但恐傷華滋置之玉壺冰芳馨消歇遲

秋夜賦

清漏下數刻疏鐘仍獨聞零露溥夕影端居澄俗氛恬淡斯寡欲
榮名非所欣樂矣詠王風忘年棲白雲

述懷

嗟余幼失怙教養自大兄勵志務爲學守義思居貞閉戶讀書史
出門求友生放筆作詞賦覽時多論評白眼視俗物清言屈時英

貴富烏足道所思垂令名大兄忽捐館母氏繼淪傾慟哭肺肝裂
練祥寒暑并釣耕奉生母公私日侵陵黽勉二十載人事浩縱橫
輸租膏血盡役官憂病嬰抑鬱事汙俗紛攘心獨驚磬折拜胥吏
戴星候公庭昔日春草暉今如雪中萌盍不思引去緬焉起深情
實恐貽親憂夫何遠道行遺業忍卽棄吞聲還力耕非爲螻蟻計
興已浮滄溟雲霾龍蛇噬不復辨涓涇邈邈巖澗阿靈芝燧紫莖
有志而弗遂悲歌歲崢嶸冶長在縲絏仲尼猶亟稱嵇康肆宏放
刑僂固其徵被褐以懷玉天爵非外榮賤辱行豈玷表暴徒自矜
蘭生蕭艾中未嘗損芳馨

泊舟

泊舟嘉樹下開牖碧江潯慨然念黃落景憩惜清陰多暇觀魚鳥
容與一登臨蛻跡塵喧久欲寡天機深

寄王光大

春服始輕體嘉樹欲垂陰夫椒結秀色江流涵碧深晴絲正高下

好鳥亦嚶吟豈無伐木詩怡此風雩心
次韻酬友人

處世若過客踽踽行道孤願友吉德士邈焉如鳳雛人而無恆心
未易爲醫巫往者不可作玉匣埋珠襦枳棘何榛榛上有鷓鴣呼
維桐鸞棲止來匪應時需卓犖千里馬壯氣塞九衢駑駘豈其偶
齷齪當鹽車龍可豢而致魚鮪固充廚未聞商山翁受廛稅以租
俗人難與言長吟野踟躕青松在澗壑坐閱霜柳枯所嗟鄭亂雅
復惡紫奪朱至道安可言多金豈禎符忽爲蹇蹇者憔悴悲路隅
簞瓢詠王風耿耿心勤劬

次韻姑蘇錢塘懷古六首

西子承吳寵餘蹤見古臺空遺昔時月無復昔人來臺邊越兵路
幾見起兵埃

釀酒劒池水玉壺清若無揮杯送落月山鬼共歌呼松閒燈如漆
白骨漫寒蕪

耕鑿古隧穿乃吳桓王墓金雁隨冷風黃腸畢呈露物情一作異
今昔踟躕緩歸步

仙人悲世換宴景在清都寒暑自來往英雄生釣屠錢塘江畔柳
風雨夜啼鳥

江山國破後弔古一經行輦路苔花碧御溝菰葉生古跡今寧有
新城江上橫

南山靈石澗翠壁掩松關張君已厭世乘螭遂不還蘿磴餘幽躅
今復誰躋攀

贈惟寅

隱几方熟睡故人來扣扉一笑無言說清坐澹忘機衣上松蘿雨
袖中南礪藪知爾山中來山中無是非三十不娶妻四十不出仕
逍遙巖岫閒翳名以自肆何曾問理亂豈復陳美刺高懷如漢陰
終老無機事

送惟寅

春江煙靄綠遠樹明晴旭歸雁影斜斜鳴聲斷復續陳君挂帆去
似與雁相逐水際白雲度山中甘雨足安得從耦耕柴門藝松菊
去去且入城懷抱向誰傾姚公有古道虛夷多遠情俾爾遂高隱
狂歌樂幽貞

至正二十三年正月廿日余與諸友集於貞松白雪軒其地林石
奇勝窗牖明潔且主人好文尚古有文武材款坐設肴醴相與
嘯詠以小謝雲中辨江樹分韻各賦得辨字

境靜塵慮清雨餘山光變池館闕虛閒琴酌申繾綣蔚哉春木榮
憩我飛翮倦石閒有題字苔蝕已難辨

對春樹

端坐對春樹影落身上衣美人手所成紉縫願無違步庭悲往躅
瞻景惜餘暉芳襟沾露溼蘭佩委風微凝思自的的染澤尚依依
晨雞催夢短夜鵲逐魂飛歡愛自茲畢憔悴損容輝
送致用游閩

韓眾禹穴來語我長生訣偶坐聽春雨雨止卽言別乃知茅君山
貞居相往還山經許寄我依依師友閒貞居登真久識子十年後
挈箱出遺文猶作蛟鼉吼子去遊七閩漁浦桃花春白鷗飛送爾
停橈采綠蘋幔亭幾日到言笑邈無因憑將棹歌去歌向武夷君
送馬生

送子淮南行繫舟江岸柳翠影舞晴煙落我杯中酒舉杯向落日
春水浮天碧時見白鷗飛雪光翻綺席應笑披羊裘獨釣江邊石
寄楊廉夫

吳松江水春汀洲多綠蘋彈琴吹鐵篴中有古衣巾我欲載美酒
長歌東問津漁舟狎鷗鳥花下訪秦人
寄李隱者

南汀親月色照見水中蘋便欲乘清影緣源訪隱淪君住鈿山湖
綠酒松花春夢披寒雪去疑是剡溪濱

寄韓介石

江上雨雲歇夕陽歌吹濛朱絃彈綠綺令我憶韓眾魚戲弱藻下

鳥飛明鏡中夢乘清浦月直過雪溪東

次韻呈張德常
陶公興寓酒杜老愁亦酌豪傑千載人處世何磊落吐詞蔚忠義

安貧務簡約嗟哉嚇腐鳶邈矣鳴皋鶴

朱火

朱火日方永涼風拂琴絲麋鹿遊臺苑燕雀悲火帷蕩然京輔地

無復漢官儀眾芳日蕪穢陰疑方自茲

寄穹窿主者

山雲淡縱橫幽鳥跂上下寂寥非世欣自足怡靜者平生臥遊趣

屋壁何勞寫一作畫還期煮茯苓地爐同夜話

題原道西溪草堂
春水孤村迴荆溪菴畫西晚日鳴榔起山雨竹雞啼櫻桃花已落

蘼蕪綠未齊酒船尋賀監蚤晚到幽棲

煮石山房

汲澗煮白石雲棲南礪隈敲石發新火荆薪藉餘灰坐候升降理

靜觀寒燠煤遂忘石鼎沸乍疑山雨來丹成同此術鶴化詎能猜

我亦滄金液清淺笑蓬萊

出郭

我初來城郭新綠餘薈薇今我既出郭秋蓮落紅衣郊居豈爲是

市隱勿云非去去將何從西山行路微塵坌夸毘海游潛四月餘

賦歸亦無家塊處蝸牛廬身世一逆旅成虧分疾徐反己內自觀

此心同太虛

聽錢文則彈琴

牛鳴野窳中雞登山木上黃鍾雜姑洗春容以清亮別鵠暮鳴飛

流水春演漾愛爾絃手忘令我形神暢憶昔擅能事宋袁余所向

錢君生獨後超軼絕塵鞅操琴晚聞道月斧揮天匠杳如清廟瑟

朱絃聽歎唱古道久寂寥古音亦淪喪促軫淚沾纓歌詩重悲悵

贈王仲和

荒城夜風雨草木曉離披桂馥逗虛牖苔文滋硯池弄翰聊寄逸
永日以自怡且盡一日樂明朝非所知

訓張德機見贈

嘉藻枉我前令人意也消展詠當庭一作除清陰起涼颿出何去
巖穴隱何逃市朝仙師赤城霞旦旦存神標

贈張士行

雲門有逸客非仕亦非隱玉井千尺泉此士難汲引結交雲林叟
不顧俗嘲哂我拙唯任真子德常戒謹相知既有素力學仰顏閔
久別見容色英資固天稟欲疏不能忘欲褻不可近

贈友生

春林積雨晴汀一作渚煙波綠谷鳥語絲蠻澗泉聲斷續蘿徑無
來蹤空山聞伐木時援清琴坐還同白雲宿
九日過彥行和韻二首

蕩舟煙景晚舉杯當素秋黃花忽在眼白髮乃滿頭臨流發悲歎
援琴歌楚調罷席更淹留明月波閒照何事鹿皮翁逃名隱屠釣
九日喜初晴登高向何處山色見微茫波光淡容與鼓枻逐輕鷗
看雲覓新句適值無懷民相對澄神慮

對酒

題詩石壁上把酒長松閒遠水白雲度晴天孤鶴還虛亭暎苔竹
聊此息躋攀坐久日已夕春鳥聲關關

贈野處民

水聲轉屋西山翠浮屋東牀前苔滋雨門外松吟風怡然無世一作
外慮心廣神爲充曲肱以飲水至樂在其中擊壤歌往古寧知事

王公

靈鶴辭

陶公職仙署予良亦冥通所修楊許業存思在祝融周卿宅丹元
末亂仰仙宗神明接祈禱虛夷恆恪恭飛霞煥玉檢流響徹金宮

白鶴翔香煙僊僊載冷風舞影綠雲上命侶青田中晨去瑤草春
暮歸海塵濛真靈忽降室羽車儼浮空步虛酌明水透迤清夜終
陸德中祈雨有感

辟穀清虛久晨窗食絳霞濯神咸池水宴景丹元家憂國悲民瘼
早郊起雷車枯魚出涸轍槁苗生稻花我住清江渚種芹遶江沙
忽乘蓮葉舟贈我仙掌茶擬訪安期生爲覓棗如瓜

臥病

早憂命觴聳抱疾忽經旬止酒卻腥腐端居謝喧塵羸穢除內滯
清虛以怡神江雲載飛雨飄飄灑衣巾矯首詠玄虛精思候仙真
道園遊恬淡心兵息狂狷冷然風濤靜鼓柁銀河津戒哉貪饕子
病原果何因

清悶閣全集卷之一

清悶閣全集卷之二

五言古詩

與全希賢

臥疴久不憚微瘳起行吟徑苔無來跡出門江水深懷我平生友
金蘭契同心欲共一尊酒道遠力不任有客闖我戶晤言樂中林
飄蕭綠髮僊亦見雪滿簪取琴與子彈悠悠山水音能成伐木詩
歌以慰所欽

酬友生

擁褐南軒

一作榮

下晨暉煖似春忽思王子晉醉著白綸巾遊宴無

冬夏清狂忘主賓能持麀鹿脯寄與不羈人

尋友人不遇

洲渚多落英泝流尋遠山輕舟載美酒搖蕩綠波閒俯詠拾瑤草
遐思隘塵寰黃緣忽失遇悵望遂空還

次張仲舉韻

秧疇蒔已遍午饁休中林忽聞輶車至攬衣欣慨深遂尋修竹下
共憩西澗陰汲泉以煮茗遐哉遺世心

薛常州讓田詩

延陵古吳地泰伯有遺風仁讓自家國士民知孝忠春暉草心碧
日暮荆花紅為感使君政嗟時誰與同

潘公鳴皋軒

白鶴稟靈質翩翩有奇姿海月比高潔巖雲共逶迤池上菖蒲花
春煙紫綬綬飛鳴聊飲啄乘風來下之我登鳴皋軒遂賦鳴皋詩
安得赤玉笙一作鶴上吹參差

為張來儀賦匡山讀書處

廬山鬱岩巖上有香爐峰影落碧天外翠玉琢芙蓉牽蘿讀書處
雲磴無行蹤猶遺石巖苔花開紫丰茸愁心飛春雪寶劍沈雙龍
應化蘇耽鶴歸樓千歲松山巖采芝叟久別儻相逢

瞻雲軒有引

金君伯祥名其先君墓左之室曰瞻雲軒蓋以寓夫孝思油然而
之義也若夫父祖之魂氣精神其昭合感通之妙齋思則如見
敬祭則來格開燭而天光臨鑿池而泉脈動洋洋乎如其
上如其在左右者雲豈足為喻哉於是廣其義而為之賦詩

白雲起石上迅逸如迸泉汎演乎林莽飄飄乎山川飛霞共聯絡
凱風與周旋開軒滌遐想我思何絲絲顧瞻忽在茲亦復停披焉
卷舒無定理變幻徒縈纏興念松下塵若承鶴上仙空花結浮翳
百態交我前戚欣從妄起心寂合自然當識太虛體勿隨形影遷
張鍊師祠醮感致瑞鶴賦贈

我識白雲君尚友赤松子仙署闕清巖社公隨役使步虛禮初日
飛神謁鈞天時有五白鶴翩翩一作飛遶香煙手栽千樹桃風吹劫
灰盡避世星壇西深竹聞清磬倏來密霧集忽遂冷風還窗裏遺
瑤瑟空中鏘佩環

題趙若巖龍山精舍

我生倦馳騫無機如漢陰重遊古蘭若對山開我襟風流李謫仙
賞靜諧夙心琅然哦新詩如聞大雅音回首石林晚白雲花雨深

詠蓮

迴翔波閒風的歷葉上露清池結素彩華月映微步雲陰花房斂
雨歇芳氣度欲去拾明璫踟躕惜遲暮

送陳惟允之金陵

雪消江水綠花發冶城春白下烏衣處輕舟去問津指日望京國
行歌非隱淪好及三釜養歸來以榮親

徐氏南園對雨

櫻桃花欲落風雨暮淒迷忽憶郊園日竹林通磻西弱蔓滋野援
蘭葉長芳畦念我當時友蒿萊沒舊蹊

春日有感

春岸生蘼蕪春風生蘭茝夢見平生歡美人今何在丹槁玄以白
忽忽容鬢改年邁誰能復憂來誰與解

七月廿四日風雨寂寥與玄度集宗道南窗具酒肴宴談遂以永
日因賦

蕭條風雨秋沈寂窗牖晚故人山中來杯酒意勤懇斂眉念乖闊

握手話情悵千載鶴怨悲九時蓬萊葦市脯良不易枯魚雜乾膾

一作浮雲幾翻覆人事非余忖得時靈足誇失勢焉用憤荆溪邱

壑多松水饒芝菌結茅駕厓巔雲棲且安穩瑤草手堪摘一作夏

與何事錡與畚逐逐闌闌遊戚戚塵俗混張子邃古學林君業務

本達人解其會略近宜志遠鍾氏曷仇稽司馬亦藉阮鹿遊姑蘇

臺鳥下長洲苑麻姑固狡獪蓬萊歎清淺七袞吾已老一簣君宜

勉後會未可期作詩陳繾綣

為方厓畫山就題

磨詰畫山時見山不見畫松雪自纏絡飛鳥亦閒暇我初學揮染
見物皆畫似郊行及城遊物物歸畫笥為問方厓師孰假孰為真

墨池挹涓滴寓我無邊春

題驪山圖

校獵上林苑洗馬昆明池霜威肅笳鼓雲氣畫車旗馬班陳賦詠

衛霍綬蠻夷王風既未遠文明方在茲透迤霄漢上鳳皇尚來儀
為徐有常畫葉湖別墅

葉湖水淪漣松陵在其西望見吳門山波上翠眉低白蘋晚風起
寒煙遠樹齊水蕉籠華檻一作筆格露柳罩金堤居貞寧汲汲旅泊自
棲棲屏處觀魚鳥風雨夜烏啼

題墨竹送顧克善府判之高郵

高郵古淮甸世產不乏賢顧君往佐郡才華當妙年歌詩隱金石
八音以相宜侈哉錦囊句雅甚朱絲絃而此艱虞際撫事一愴然
饑者易為食君能念顛連何以贈子行墨君霜節堅

三月六日同李徵士遊禪說僧舍禮上人出柯博士所賦詩以示
僕而博士君歿已二年展誦為之悽斷因次其韻於後

佛生七佛後乃知青出藍寒月留孤光世人徒指談嗟余墮狙網
朝暮逐四三悲歎明鏡塵何由息禪龕

題畫贈岳道士

義興岳道士野鶴如長身我知彌明徒不是侯喜倫結喉吟肩聳
鐵脊霜髯新手中石碁子頭上漉酒巾久居離墨山自謂無懷民
喪亂不經意松陵留十旬香雲作輿衛長松為主賓既滋數畦菊
復種二畝芹樂哉以忘死道富寧憂貧為我具舟楫相期桃花春
題畫贈徐季明

梓樹陰當戶時聞好鳥鳴獨攜一壺酒展席坐前楹招邀白鶴侶
吹弄紫鸞笙杳杳日景晚紛紛飛絮輕風翻竹影亂明月已東生
龍門茶屋圖

龍門秋月影茶屋白雲泉不與世人賞瑤草自年年上有天池水
松風舞淪漣何當躡飛鳥去采池中蓮

畫贈呂志學

江雲昏絕巘汀樹猶斜陽獨立霜柳下渺然懷故鄉歸來茅屋底
篝燈寫微茫

畫竹贈志學

綠竹飽霜雪歲寒無桂容風至天然笑復愛夏陰濃寒暑不能移

德比柏與松豈若桃李榮春花但丰茸

畫竹寄友人
先春競桃李淩陽歎蒲柳謝君靜者徒種竹安所守亭亭清淨心

鬱鬱霜雪後賦詩寄遠懷此君真可久

西老圖

弔古歎流俗高人陳太邱開牕玩蘭雪邀我畫瀛洲池上哦一作賦

清詠林間恣遠遊悠然遂永日下榻更淹留

題畫贈九成

有引

至正十二年三月八日冒風雨過九成荆溪舟中劉德方郎官

放舟煙酒留宿談詩明日快晴移舟綠水岸下相與嘯詠仰睇

南山遙瞻飛雲夾岸桃柳相廁如散綺霞撥芳芹而薦潔瀉山

歌而樂志九成出片紙命畫眼前景物紙惡筆凡固欲聘其逸

思大乏騏驥康莊也歐陽公每云筆硯精良人生一樂書畫

同理余亦云焉時舟中章鍊師岳隱者對奕吳老生吹洞簫

故人郊掾史邀我宿溪船把酒風雨至論詩煙渚前晨興就清盥

思逸愛春天復遇武陵守共尋花滿川

黃本中書齋為寫寄傲窗圖

庭樹綠交蔭時鳥語清絲春竹羅徑筍夏花敷沼蓮慨然三季後

契彼義農前古井汲修緝空齋縷素絃長歌歸去來悟說陶公賢

終尋桃花崦息景窮幽玄

送賢良北上

吳山朝靄外閭門春雨餘超忽孤帆遠天末浮雲舒君今北闕遊

我棲南山廬荷耒事耕作閉戶詠詩書高林鳴禽曙青苔行跡疏

還期茅簷下一枉故人車

惻惻行三月十五日陸玄素將從梁鴻山歸吳松之上是夕坐至

夜分始別余入舟賦此追至梁鴻山寄之以定及冬重來

惻惻復惻惻憂思從中發感子遠來訪畏子遽言別不有同心人

何以慰孤寂矧茲春夏交蕭艾盈路側江水亦浩漾風帆還飄突

行將阻攜手轉覺意忽忽交好匪在今高誼敦自昔人生寧無別

所悲歲時易坐歎辛夷紫還傷蕙草碧僕夫竊相告怪我悲憤塞

山中梁鴻棲江上陸機宅井曰今蕪穢鶴唳亦寂寞余往經其孺
徘徊但陳迹天地眞旅舍身世等行客汎汎何所損皎皎奚自益
修短諒同歸數面聊歡懌

寄張外史

神鸞戲玄圃巨鱗偃演渤爾亦碧巖中遁形修隱訣燒香庭竹淨
洗研池苔滑撫弄無絃琴招邀青天月跡高行亦苦冰蘖忌芳潔
何當往相尋拂石棲松雪

次韻別鄭明德

思君阻言笑三歲同一日既見令人怒不見令人憶揮觴縱譁浪
抗論殫今昔世方雜涇渭已乃忘得失饑涎飫甘美醉眼亂朱碧
少逢人眼青每遇俗眼白不隨世混混自喜心得得講學日光輝
盡性久循率不意吳市門尚復有此客茅齋素壁上佳句手自摘
楓林已搖落梅蕊尚未折吁嗟歲云暮感歎終日夕殘生能幾面
念此氣填臆富貴眞可羞功名竟何物世事蟹登斲危機猩著屐

翁乎善自守氣體保寧逸去去勿重陳且復混玉石

贈張以中

吾友張以中少年如老翁因過修竹裏邀我碧巖東琥珀松醪醖
玻璃茗碗紅子端今已矣千載事同風

答張鍊師

安居已度夏臥病乃經秋朝菌悲影短風萍歎波浮寸田勤自治
德宅可歸休慎勿與時競心境似虛舟

贈陸有恆

學行美德業孝弟爲本根朝益以暮習夏清而冬溫無逸勤稼穡
幹蠱持戶門勿爲習俗流必念古義敦謹身尚節儉從善報蘭蓀
堯舜雖有子朱均乃淫昏瞽絲何頑凶子也大聖尊蓮固生污泥
木可爲犧尊簡編蝨蟬出各有至理存惟人異禽獸暴棄湮其源
惟學必由本根深見枝蕃於何繡鞶帨外飾奚足論安宅正路閒
爾居行爾轅斯道邇且易至樂不可諼

次韻張伯琦

長歎悲人寰彈琴想天際夏殷禮相因孰謂周可繼大道久榛蕪
高才日陵替遺書歎不泯授受豈有二鄒孟道性善宅路喻仁義
後生事言說慨彼涕沾袂允矣二三子仰鑽互立志松柏受命獨
歲寒鬱蒼翠誰歟無媿怍夙駕尋吾契

贈友

一作律詩

父子相師友周南義理門阿翁如玉潔賢嗣似春溫舍後自生荀
堂陰亦樹萱西山近在望靜默以忘言

吾友陸友仁甫舊得古銅印一紐以示余辨之文曰陸定之印以
名其子而字之曰仲安友仁既沒仲安求爲賦焉

吾友伯仁甫覽古閱世盲示我古印章始得自幽并辨文曰定之
釋義爲爾名旣名字仲安勸哉在敬誠仁甫今則亡緬懷涕沾纓
繫昔黃太史結交漢米生手持玉刻文螭鈕交縱橫上有元暉字
印刊與弗輕殷勤字其兒祖父冀可繼久矣學業懋繼述暉芳英

書畫比二王價重十連城高躅思仰止景行爾其行

韓伯休

韓康抱淵靜匿影以逃名亦有梁伯鸞五噫出漢京諒哉古賢達
道與人俱貞不以身徇物物固莫之撓胡爲貴目前狗苟且蠅營
粗計一時得不禍害乃生爾其繼祖武景行尚勉行

略上人松月軒

虛牖宿間雲長松挂明月道人初定起淨境無炎熱手持青鸞帚
衣掃石上雪泠然滌心塵寂照光不滅

和拙逸先生間居韻

芻豢非所說甘我藜藿味無辱奚必榮知足方可慰客行值炎天
嘉木予來墜禁汝忿愆心養此浩然氣見義思必爲奮若泉聲沸
學焉苟無成斯亦不足畏

寄良夫契友

昔者安豐董朝耕暮讀書親樂以妻順山樵而水漁徐子慕古義

林臥獨端居彈琴詠王風窅然觀化初月窗淡疏竹跡跌當久如

附次韻

徐達左

故人雲山表日事琴與書靄然重交義不肯忘樵漁奚奴將錦囊來覓水竹居住佳畫入幽趣雅句復古初七襄不成報高風慕相如

答徐良夫

八月七日借耕雲叟訪耕漁隱者風雨寂寥中為留三日有圖書筆硯之樂九日耕漁賦詩見贈次韻奉答

雲臥雨聲集庭樹颯以秋身同孤飛鶴心若不繫舟燕俎登松菌
匏尊斟礪流蘭芳日凋悴吾生行歸休不作螻蟻夢遊神鳳麟洲
青山澹相對白髮忽滿頭仙去雲冉冉風鳴竹修修諒哉伐木詩
鳥嚶尚相求居吳二十載未及茲山遊君才如鮑謝摛詞亦云優
歡然敬愛客能不為爾畱桑土夙所徹戶牖何綢繆地無車馬塵
路轉巖穴幽既晴引飛屨回望林間樓

附錄謝雲林處士畀雲照磨見訪

徐達左

涼風起幽壑蟋蟀鳴素秋之子從何來飄然駕輕舟蕭散古冠帶
乃若晉風流須眉既皓皓吟嘯方休休永懷眉山學氣逸鸚鵡洲
能書誇草聖善畫追虎頭嗟哉市井人白眼看前修鶴鳴溪渚陰
自為同氣求握手敘心素忘形誠舊遊為子下塵榻再宿情思優
雖無盤飧美蘋藻聊淹畱開懷寫高興彼此情綢繆況有王衍談
臨清借討幽期看丹桂月尊酒登南樓

次徐山人與雲林贈答詩韻

高啓

昔遊紫藤塢空山鶴鳴秋相望隱人居興闌竟回舟邇來獲晤賞
玄談劇風流每欲開南軒招我共偃休天寒鴻雁鳴芰荷落長洲
豈無一釣船訪子溪水頭終慚文墨牽咫尺成阻修聽雨掩閣臥
觀泉上巖遊朝覽贈答篇詞藻誇兩優我本邱壑人猿鶴肯見畱
擬結歲晏期壺觴展綢繆況聆西澗濱禪宮闕清幽夜看太湖月
遲我同登樓倪元鎮山水圖為胡中書頤題次韻 載李文正公麓堂續稿

移尊向別圃展卷開清秋上有千仞峰下有一葉舟蕭蕭虛籟
響脈脈寒谿流時則當改序吾方賦歸休鷓鴣謝高侶鸚鵡思
芳洲種松少三徑栽橘無千頭卜居擬南國仰止懷前修松柳
昔遁跡蘭陵多勝遊往事勿復道遺蹤猶可求畫圖與詩卷天
地長爲畱辭榮獲高價所直亦已優生也諒云晚感之念綢繆
恨無雲霄翼暫此林亭幽眼中人老矣空憶仲宣樓

題高士圖

僵臥雪塞戶汝南袁邵公冠蓋洛陽令掃雪見高風冷竈不生煙
虛罨久塵蒙投謁非吾事舍君其誰從

道翁先生取余棄筆戲成五言因次韻

生與硯爲鄰惟知楮穎珍飢鶩雜吟嘯那用憂空困天矯鍾王跡

適媚骨肉勻澄懷靜臨寫時時見天真

吳淞山色圖

一作律詩

吳淞春水綠搖蕩半江雲嵐翠窗前落松聲渚際聞潘郎狂嗜古

容我醉書裙鼓柁他年去相從遠俗氛

惟寅友兄雅志林壑遠寄佳紙命僕寫圖賦詩因作此以寄歲己

亥五月八日

齋居誰爲友毛穎與陶泓有客附書至云是楮先生潔白中含素
柔滑表至精愛此風林意更起邱壑情寫圖以閒詠不在象與聲
至正乙巳五月三日過開元精舍希遠首座爲設湯餅煮茗焚香
相餉明日將還穹窿寺因寫竹枝賦詩贈別

僧夏已安居還山寺在郭初心了玄解自不爲律縛度水獨浮杯
采苓時負鑿余亦漫浪人枵然慚獲落

余自與庸叔別後不相見近十載矣今年冬邂逅吳下班荆道舊
殆若隔世因寫霜林遠岫圖并賦詩以贈

賀公雅吳語嘗誦少陵詩遠孫有古風隱居淮水湄開牖望青山
尋真歌紫芝鏡湖似清淮煙濤春渺瀰何當棹酒艇與爾相娛嬉
永言以鼓瑟獻酬斟酌之伊昔龍眠莊山水含清暉松桂蔚佳色

田疇足耘耔結茅飯松木忘年樂熙熙贈此以為好同心勿乖違
廿二日贈別耕雲

王君瑚璉器清鑒涵水鏡忍窮如鐵石居易安義命鳳兮出非時
不與凡鳥並勤勞世勳胄忠孝本天性白圭絕微瑕朱絃駭羣聽
任直唯疾讒亂雅猶惡鄭悄悄慍迫隘咄咄恥奔競西壠松桂林
白雲森相映巖僧同棲止林叟富嘯詠於時無美刺託物善比興
藹然顏淵樂陋彼原憲病瑗乎知非久慧也安心竟怡性壽而康
克戰道斯勝蕙草秋更綠松聲寒愈勁何當戲玄洲相期適遐迥
廿三日聞耕雲至北村將來此

自余來南村忽忽數日矣犬豕混人目烏鳶聒人耳不見佳友生
如逃空谷底足音聞聳然云胡而不喜

曹君達卿婁江西渚隱君子也自號古民息景燕處以禮義說心
亦不求知於人今年七十三而耳目聰明體力強健有三男子
皆能愉婉其容色以為養又信而智古之樂以說生優游以佚

老者吾昔聞而今見之矣耕學叟命為之詩

隱處婁江渚逍遙古逸民苔石作牀坐青山為主賓商巖黃綺輩
北牖羲皇人漁郎問津去源上桃花春

遠廬詩并序 遠廬子蔡質子賢也

有逸人居長洲東荒寒寂寞之濱結茅以偃息其中名之曰遠廬且曰人世過客天地一遠廬耳吾觀昔之富貴利達者其綺衣玉食朱戶翠箔轉瞬化為荒煙蕩為冷風其骨未寒其子若孫已號寒啼飢於塗矣生死窮達之境利害毀譽之場自其拘者觀之蓋有不勝悲者自其達者觀之殆不直一笑也何則此身亦非吾之所有況身外事哉莊周氏之達生死齊物我是遊乎物之外者豈以一芥蒂於胸中莊周氏之所師也蓋為喜書悲夜貧榮無哀哉予嘗友其人而今聞其言如此蓋可嘉也庚戌歲冬予凡一宿遠廬賦贈

天地一遠廬生死猶旦暮奈何世中人逐逐不返顧此身非我有

易晞等朝露世短謀則長嗟哉勞調度彼云財斯聚我以道為富

坐知天下曠視我不出戶榮公且行歌帶索何必惡

寄叔方

乖阻方徂秋忽然以改年樓前櫻桃花開落春風顛米船到家日

雨砌漚漚涓涓綠酒仍滿眼素琴久無弦呼我共斟酌歡劇更惘然
處窮則已固言達誰當先俯仰歎鳶魚浮沈各天淵慎勿傷本性
木雕而土埏鸞翔安可挽青雲氣翩翩猶羨羲皇人清風北窗眠
癸丑八月訪耕雲高士於西巖因寫耕雲軒圖又爲之詩

芝田耒耜閒石廩山雲滿渚際荷衣翻巖前蘿帶緩垂露藹輕帷
芳池沃清盥霞食非腥腐物化自修短空困未足憂服食滋楨幹
宿王耕雲山居

城市厭煩燠江山玩清遠盥濯臨石湖吟嘯望雲巘范公遊集地
登陟塵情遣悽悽靡遺構鬱鬱猶荒苑仙人王子晉抱道雲舒卷
鳳吹翔河汾鶴巢來棲偃涼風縱逸棹溪水清漣漣何當采靈芝
忘年從嵇阮

周遜學辭親秋暑將事于役因寫幽礪寒松圖并詩以遺之亦若
招隱之意云

秋暑多病暘征夫怨行路瑟瑟幽澗松清陰滿庭戶風聲雜湍激

古音奏韶濩張幄儼停雲垂帷粲繁露諒哉如金玉周子美無度
息景無狂馳笑言以胥晤

附次韻

周南老

泠泠澗底泉迢迢溪上路陰壑生松風好山當牖戶
倦幽貞居歸來已遲莫應門幸有子茲行迫王度願言早還家
衰年慰言晤

拙逸先生賦古意見招次韻奉答

楚狂昔悲歌鳳兮何德衰行邁心搖搖薺青麥離離雨雲歎輕薄
交道傷嶮巖鴻鵠志自遠燕雀棲其卑風吹枳棘藜月照琅玕枝
姦慝與賢智邪正亦易推忠本由恕立義豈爲利移瞳子分瞭眊
履蹈知醇疵折柳以樊圃狂夫尚睢睢不以禮自防言動輕乖宜
友焉不以道異端固紛披君看枯魚泣魴鯉慎所之

題吳仲圭詩畫次韻

元初真士嘗居嘉禾紫虛觀好與吳仲圭隱君遊故得其詩畫
爲多今年十月余始識元初卽出示此幀命僕賦詩因走筆次

吳隱君詩韻題於上隱君自號
梅花道人云至正廿一年辛丑

鴛湖在嘉禾湖水春浩湯家住梅花村夢遶白雲鄉弄一作翰自
清逸歌詩更悠長緬懷圖中人看雲杖枕榔

附梅花道人原韻

平林方漠漠野水正湯湯蒼莽日欲暮辛苦客異鄉草店月迴
合村路迂更長渡頭人散後漁父正鳴榔

清悶閣全集卷之二

清悶閣全集卷之三

五言律詩

積雨

積雨生朝菌微風墮碧蓮鵝池汲書水鶴帳理琴絃屐躡苔衣破
窗承樹影圓空林無與語長夏曲肱眠

春日客懷

白鶴煙霧遠滄洲雲海寬蘼蕪細雨溼桃李春風寒沈憂鬱不解
離緒沓無端還憶郊園集琴醞共清歡
與張貞居雲林堂宴集分得春字

青苔網庭除曠然無俗塵依微樵徑接曲密農圃鄰鳴禽已變夏
疏花尚駐春坐對盈尊酒欣從心所親

秋日寄謝參軍

峇嶺太華隱婉戀東山情學本猶龍老詩工阮步兵心期流水遠
世事浮雲輕公府饒才彥琅琅玉雪明

次韻寄王長史

示病維摩室端居無俗情清齋久絕飲白首不論兵露壁蛩吟切
風林鶴骨輕何時同一作王內史清詠向蟾一作相明
賦雪舟

一舸星河渚空明玉氣浮懷仙李太白訪遠王子猷月色明一作如
可掇曙光疑欲流銀屏雲母幃夢為笙鶴遊

寄王道士宗晉

王君舊隱地聞更結茅茨鶴斃春栽苾鴉羣雪汎池時歌綠水曲
不負碧山期夜雨生芳一作春草令人起夢思

題張德常良常草堂二首

一室良常洞幽深古大茅風瓢元自寂畦甕不知勞獨出逢騎虎
初來學種桃還應白雲裏遲子共遊遨

翠壁鄰丹竈青楓背草堂琴書聊卒歲麋鹿自成行壘澗一作澗水流
杯滑飛花入座香寧無問津者及此繫舟航

悼項山清上人

幽曠山中樂飄飄物外蹤梵餘間憩石定起獨哦松花落春衣靜
雲垂澗戶重依依種蓮處林暝只聞鐘

垂虹亭

墟閣春城外澄湖暮雨邊飛雲忽入戶去鳥欲窮天林屋青西暎
吳松碧左連登臨感時物快吸酒如川

稽山草堂為韓致因賦

稽山讀書處應近賀公湖礪月懸蘿鏡汀花落酒壺賣藥入城市
扁舟在菰蒲逃名向深僻君豈伯休徒

俞子中見過

積雨眾芳歇新晴生綠陰獨眠方不愜多子復相尋鳴鹿在春野
啼鶯聞遠林余懷良已罄詠嘯罷清琴

邀張彥高

清風入庭戶野客意悠哉一與佳人別階前生綠苔參差松影亂

一作鬱鬱 寂歷一作悄悄 竹扉開 我有盈尊酒 懸榻待君來

用韻重寄

山齋秋聽雨 高臥興悠哉 鹿飲荒池水 蝸耕石迳苔 寶瑟芳塵滿 臨尊詎忍開 長吟我有待 躡屩子能來

贈簡上人

初公經閣裏 復遇簡禪師 好飲茅君酒 狂吟杜牧詩 錢唐江上去 楊柳花飛時 帆影青山隔 依依夢見之

題張氏藜竹軒

高軒自虛曠 幽竹亦藜生 苔石寒依玉 風泉夜奏笙 治冠輕可著 醞酒綠因名 好折青鸞尾 仙壇掃月明

遊善權洞

載宜興縣志

來窺善權洞 一上李公樓 水映巖前引 雲旌松際浮 然燈長不夜 垂釣只虛舟 欲讀吳朝刻 真成冒雪遊

野眺寄友

一作賦

見話幽人屋 荒城落日邊 川原一作途漫浩浩 煙樹靄芊芊 野稻初

收 碧江魚上釣 鮮何當 賸沽酒 直到爾門前

寄徐仲清

巖谷采靈藥 蕭條棲遁情 白雲簷下宿 海鶴階前鳴 燕俎登春菌 晨飧脯竹萌 詩憑五瀉水 好過蘭陵城

贈劉道益并示陸明本

作賦雲間陸 能詩鄴下劉 悲秋多遠思 捩柁作清遊 竹冷侵衣屨 窗虛見女牛 燈前一杯酒 漂泊更維舟

賦德機徵君荆南精舍圖

結廬溪水南 勝處慊一作事幽探 夏果足 山雨春衣染 夕嵐石磬招 鶴磴門俯射 蛟潭日日縈 歸夢蕭條雪 滿簪

次唐綦母潛宿龍興寺韻寄方厓

無家何處歸 南渚有禪扉 湘簟閒秋水 風池一作蓮墮粉 一作衣硯 池滋黯黯竹 露淨微微社 一作秋 燕情如客攬 君去槩飛

贈謝長源

公子太傅裔好於湖上居卷簾微雨裏岸幘晚風餘古刻秦斯篆
玄經許掾書何當尋好事鼓柁及秋初

贈墨生

巖谷春風起桐花落澗紅隔水輕煙發收煤石竈中豹囊祕玄玉
鵝池生白虹湯生法潘谷千載事還同

雲槎軒

已比溝中斷空思海上浮隨雲秋汎汎貫月夜悠悠無路通河漢
憑誰問女牛漂搖非有待吾道付滄洲

悼朱高士

秋日高人逝微霜蕙草摧鵝羣空碧沼鶴影自層臺應御冷風出
疑隨密霧來杉松暮蕭瑟撫事有餘哀

贈道益

昔者劉高士匡山曾結廬插籬培杞菊充棟著圖書鶴影秋雲外

蛩吟夜雨餘茂深繩祖武息景在林居

送徐元度還江西

悠悠西江水絲絲江上山借問離羣鶴孤飛幾時還白雪亦忌潔
青雲安可攀時時王子晉吹笙向人間

題元朴上人壁

蕭條江上寺迢遞白雲橫坐待高僧久時聞落葉聲鴟夷懷往躅
一作張翰有餘情獨掉扁舟去門前潮未生

贈沈文舉

波光浮草閣苔色上春衣楊柳鶯嗁暗櫻桃鳥啄稀榮名非所慕
登覽竟忘歸泖水宜修禊重來坐釣磯

七月十四日對雨

雨簷驚瀉瀑江漲忽通渠古砌羅秋草荒畦綴晚蔬稍開雲表月
還掩篋中書欲話幽貞意忘言已久如

寄虞子賢

天闊海漫漫崑山望眼寬桃源迷晉世松樹受秦官雨蘚鹿迹一作遍霜梧鸞影寒封題數行字聊爾問一作問竹平安

徐伯樞歸耘軒作

歸耘向何處近在東膠山白雲宿虛牖釣艇當荒灣彈琴送落月濯纓弄潺湲寸田勿稂莠所願勤治芟

贈張韓二君

張仲情何厚韓康誼亦深賦詩論宿好聚首契初心阮籍惟須酒陶潛不解琴與君忘爾汝蕭散鶴鳴陰

次韻酬彝齋見詒二首

秋氣入幽居階前樹影疏筋骸渾懶惰服食轉清虛薄晚魚潛潛新晴溜繞除茯苓期共煮悵望苦吟餘

荆溪邱壑遠暇日得躋攀野客時相過高人意自閒敲門看修竹卜宅近青山勝事今寧有幽吟一解顏

暮春期潘徵君不至

風林驚宿雨澗戶落殘花芳月忽已晚幽期良恐賒黃鸝念求友鸚鵡呼煮茶猶候犢車至心親寧憚遐義興王子明以竹菌餽余口占謝之竹下拾煙菌筠籃初送將亭亭似三秀楚楚異眾芳猶帶雨露氣更懷泉石鄉此日山中客筍蕨得新嘗

贈公遠

霜葉落欲盡晚山看更青躡將沙際屐坐久水邊亭俛仰已如夢漂搖同汎萍稻梁非所戀黃鸝思冥冥

對雨懷張貞居

戶庭來遊絕園林飛雨滋芳氣初襲蕙園文復散池裁書恐沾溼聽一作對濶謾懷思清溪已可汎方舟幸及茲

附次元鎮見懷韻

張天雨

玄句何蕭蕭咀味生華滋換著空頂幘把卷適臨池憐君柔緩情起我淹畱思邱園歲將晏幽期方自茲

送僧

聞說四明道山川似若耶去依阿育塢還宿梵王家野市一作封
殘雪江船聚晚沙光公強健否持底作生涯

贈王光大

荆溪王隱士相見每從容借地仍栽竹巢雲獨傍松青苔盤石淨
嘉樹綠陰重約我同棲遁嵩高第幾峰

聽雨

樓上看春雨玉笙悲遠天辛夷紅染一作筆芳草綠搖煙冉冉侵
書幌冥冥溼釣船新愁嫌點滴元不到鷗邊

送李徵君遊荆溪因寄王司丞

何處尋狂客故人王子猷花落庭前樹風吹溪上舟紫筍生春雨
綠蕓滿芳洲心隨酒船發悵望不能休

五雲書室

幽深隱者宅迢遞少微山賀公鏡湖曲李白棹歌還雨几研苔碧

風軒江竹斑韓眾近何似晏景白雲間

雨霽呈德常

積雨琴絲緩松階蘇碧滋泥途方汨沒茅屋且棲遲酒向鄰家貰
杯從野老持便應絲一作從此去海上候安期

答明卿

林靄去鶴唳孤煙原上村稷澗綠雲滿換幘晴景暄處和斯遺隘
抱冲自寡言君亦固窮節眾溺何當援

張天民溪亭

菴畫溪亭月當窗影更妍朱絃彈綠水細柳舞春煙杜牧何年宅
山僧棲夜禪張公一杯酒獨醉羲皇前

雨几

雨几唯生睡村醪不解愁泥塗深溺象身世眇浮漚徑草紛披溼
林扉慘淡秋何人富春渚五月披羊裘

寄張景昭

煙渚落日後風林清嘯餘輕舟下天際高人遺素書笥脯炊菰米
松醪薦菊菹子有林壑趣江海一迂疏
荒村

踽踽荒村客悠悠遠遁情竹梧秋雨碧荷芰晚波明穴鼠能人拱
池鵝類鶴鳴蕭條阮遙集幾屐了餘生

答光大

空谷枉嘉藻幽吟當素一作秋詩鏗清廟瑟書聳屈盧予學業余
多愧才華子獨優飛鸞天外羽斯世邈難儔

寄東白上人

楓林散霞綺湖水淡秋煙忽憶白一作麻漾初春掉酒船羽客借
鱸具高僧醉棲禪何時來甫里痛飲菊花前

酬雲浦

尋真狎隱淪息景絕風塵屈子能安義陶公每任真山中宜餌朮
江上憶羹蓴亦欲從棲遯柴車爲爾巾

題邱氏壁

我愛邱君宅蕭然隱者風石邊蒙細篠井上植高桐墨沼鵝羣白
雲窗藥蕊紅詠歌當上巳修禊樂融融

桂花

桂花畱晚色簾影淡秋光靡靡風還落菲菲夜未央玉繩低缺月
金鴨罷焚香忽起故園想冷然歸夢長

寄章心遠

江海章高士相違已半年青山雲冉冉白鶴影翩翩坐看神鼇下
行吟秋水邊何當拾瑤草遲子華峰山一作巔

賦雪蓬

手把玉塵尾身披素綺裘梨花縈夜月柳絮入虛舟不作飢鳶詠
其如載酒遊因懷剡溪興煙水暮悠悠

輓張德常

孝弟由天性清真有祖風宦遊江郭遠歸隱曲林通嗜古真成癖

歌詩信已工有才悲賈傅荏苒百年中

畫寄王雲浦

蕭散賢公子衡門似水清花閒青鳥過砌下綠苔生山色排簷入江波照眼明開圖想幽境欲為寫閒情

高進道水竹居

我愛高隱士移家水竹邊白雲行鏡裏翠雨落階前獨坐敷書席相過趁釣船何當重來此為醉酒如川

寄王叔明

能詩何水部愛石米南宮允爾一作英才最居然外祖風釣絲煙

霧外船影畫圖中他日千金積陶朱術偶同

秋日贈張茂實

久客東海上秋風吹練裙放言愛莊叟笑癖如綠雲采藥清晨出哦詩靜夜聞滄浪可濯足吾與爾為羣

期友人不至

山寺擁爐夜風聲如怒濤獨吟何水部還思王騎曹曠達余所羨

阻別心增勞來茲慰幽寂輕舟幸即操

義興吳國良用桐煙製墨將遊吳中求售賦詩以速其行

生住荆溪上桐花收夕煙墨成羣玉祕囊售百金傳孰謂奚珪勝徒稱潘谷仙老松端媿汝法已入玄玄一作桐法更清妍

題方厓墨蘭

蕭散重居寺春風蕙草生幽林蒼蘚地綠葉紫瑤莖早悟聞思入終由幻化成虛空描不盡明月照敷榮

為唐景玉畫邱壑圖因題

丹經畱玉斧真籙佩青童蛻跡氛埃外怡情巖穴中吹笙緱嶺月理詠舞雩風欲畫玄洲趣揮毫清興同

題風竹圖贈于靜遠

故人于靜遠訪我到南湖作黍蔬親澹開筵酒屢沽臨流同嘯詠剪燭尚歌呼長夜清無寐還為風竹圖

題畫

甫里林居靜江湖遠浸山漁舟衝雨出巢鶴帶雲還漉酒松肪滑
敷茵楮雪間春風一來過似泊武陵灣

爲文舉畫湖山圖因題

華亭西畔路來訪舊時蹤月浸半江水蓮開九朵峰酒杯時可把
林叟或相從興盡冷然去雲濤起壑松

畫竹寄王彝齋

荆南山色裏翠竹密緣溪冉冉春煙薄冥冥暮雨迷夢長蝴蝶化
行遠鷓鴣嘯舊日栽桃李清陰自滿蹊

題李遵道山居圖

披圖慘不樂日暮眇余思坐石看雲處空齋對榻時世途悲荏苒
墨氣尚淋漓惆悵騎鯨客於今豈有之

贈王生蒙泉

曉鏡拂秋水晴簷度白雲青春去浩浩豔蕊落紛紛道在形神豫

心由瞭眊分君其慎語默世事豈余聞

畫江天晚色贈志學

不見呂君久題詩懷不忘風聲渾落葉山影半斜陽獨鶴來遲暮
孤帆出渺茫爲圖秋色去畱寄讀書堂

題山陰邱壑圖寄趙士瞻

吾愛趙徵士清才能逸羣昔營山陰宅今在吳松濱月牖自理詠
春羹偏美芹遠懷松上鶴寫寄嶺頭雲

八月十五夜湖上翫月

平湖秋似練寒月白於銀泫泫衣上露青青水裏蘋歡言一杯酒
聊樂百年身茲夕對澄景況值高懷人

三月四日邂逅德方郎官九成掾史於荆溪之上相從及旬而別
因九成徵余畫并賦詩以贈

刻掾學阮掾宛然西晉風百年聊復爾三語將無同載酒來溪上
看山入剡中孤帆逐雲影煙雨滿春空

題漁樵友卷

釣水復樵山逃名宇宙閒一篙春水淨半畝落花閒鷗鳥時親狎
松雲共往還厭聞塵世事緬邈不相關

題畫贈王仲和有引

南湖陸玄素高士幽居今王仲和居之
水木清華戶庭幽邃余嘗寓其家
四年蕭然忘世慮也仲和以此幀索畫
竹石畫已并詩其上以寫惓惓之懷
玄素仲和外舅也故尤感余故人之思
乙巳初月十七日

曾住南湖宅於今已十年叢筠還自翳
喬木故依然雨雜鳴渠溜雲連煮木煙
何時重相過爛醉得佳眠

過惠山

重過湛公宅因嘗陸子泉佛香松葉裏
僧飯石巖前市駿唯憐馬池荒憶種蓮
清心有妙契塵事久終捐

送宗天章歸廬山

屏風第九疊歸伴鶴巢松五老峰前路
東林寺裏鐘宗雷憂入社陶謝莽遺蹤
我亦名山隱他年何處逢

題畫贈張玄度有引

玄度好文學工詞翰藹然如虹之氣
真江南澤中千里駒也十二月十四日
侍乃翁訪僕江渚相與話舊脚跡深動
故園之感因想像喬林佳石翳沒於荒
筠草蔓之中遂寫此意并賦詩以贈焉

蕭條江渚上舟檝晚相過卷幔吟青嶂
臨流寫白鵝壯心千里馬歸夢五湖波
園石荒筠翳風前悅浩歌

奉寄剡九成

州府今為掾風埃多厚顏香芹渾滿澗
去鶴未巢山思逐春雲亂心隨野水閒
章君應話我樗散碧巖閒

寄張德常

卜宅近溪西雲煙咫尺迷晝眠同野鶴
晨起候林雞舊種松三徑春栽菊滿畦
來禽與青李囊致不封題

送王叔明

連榻臥聽雨劇談清更真少年英邁氣
求子不多人仕祿豈云貴貝琛非所珍
當希陋巷者樂道不知貧

寫秋林遠岫圖贈約齋因題

五言韋刺史此地數曾遊無復綠陰靜空悲紅樹秋市聲晨浩浩雲影暮悠悠徵士冲襟勝邀余共茗甌

賦謝王彝齋

不面纔經宿題書細作行心親情戀戀事往意茫茫酒榼浮松蕊羊腔截玉肪歌詩報佳貺期此共徜徉

三芳圖

丹桂月光落猗蘭琴調清獨憐秋鶴瘦相對夜江橫芳烈誰先後才華孰重輕道心安有染無物惱閒情

題墨

一作題墨竹

贈李文遠

義興李文遠墨法似潘衡麋角膠偏勝桐花煙更清紫雲腴汎汎玄璧理庚庚安得龍香劑霜枝寫月明

題畫贈九成

吳山春雨淨江渚暮潮平解纜欣初霽開帆已到城剡君有高趣

尊酒慰閒情醉吐眞邱壑毫端一笑成

畫竹寄張天民

良常南洞口聞有掃塵齋竹影春當戶泉聲夜遶階自矜霜兔健安有魯魚乖截得青鸞尾因風寄好懷

贈陸隱君

甫里高人後風流有裔孫愛山仍愛畫畱饌復畱尊每看雲眠石因尋竹款門今朝嵐翠溼應是雨翻盆

寓法藏禪寺

載宜興縣志

風雨入城府禪扉三日畱清齋聊弄翰曉浴更梳頭石鉢香煙細經幢樹影稠移舟未塞霽少泊聽鳴鳩

浦城春色圖寫贈遜學

七閩嵐翠合山色浦城高春靄浮青壁晴曛醉碧桃吟猿傳木客飛瀑亂松濤夢入千峰裏雲霄一羽毛

聞鶯送別鄭徵士

春日陽關道鶯聲滿上林來從金谷曉飛度玉樓陰柳嫩難分色
歌停稍辨音明朝空解語人去落花深
新涼戲呈甘白

閒靜幽人宅蕭條樂圃亭炎暑浹旬劇遠山當戶青涼生猶病瘥
愁解如酒醒臥看風篁影落月滿階庭

贈郭本齋

高人郭本齋輕舟東渡淮賣藥不二價向人多好懷世方憂暍死
我豈與時乖欲覓金光草相期弱水涯

畫贈耕雲

戢柁泊清陂禪居獨下帷軒扉雨寥落草木晚離披野老無機事
江鷗更不疑虛舟身世遠萍葉任飄吹

贈陳維寅

十二月九日夜與維寅友契篝燈清話而門外北風號寒霜月
滿地總戶間寂樹影零亂吾二人或語或默寤寐千載世間榮
辱悠悠之語不以汚吾齒舌也人言我迂謬今固自若素履本
如此豈以人言易吾操哉維寅言歸因賦詩并書此為贈慎勿

以示顯貴者必大笑以為謬語也
十二日贇書於蝸牛廬中歲壬寅

陳君有古道夜話赴幽期翳翳燈吐焰寥寥月入帷冰澌醜酒味
霜氣折琴絲明日吳門道寒汀獨爾思

六月六日盧氏客樓對雨一首呈維寅

無家隨地客小閣看雲眠涉夏雨寒甚似秋風颯然舞鸞悲鏡影
飛雁落箏絃好轉船頭去江湖萬里天

題郭天錫畫

并序

天錫挾邨與予交最久死別忽忽二十餘載念之悵恨如何可
言錫山弓河上玄元道館錫麓玄邱精舍其畫壁最多今或為
軍旅之居或為狐兔之窟頽垣遺址風景亦異雖予之故鄉乃
若異鄉矣不歸吾土亦已十年因勝伯徵君攜此卷相示為之
展玩感慨并敘述其疇昔相與之所以然者其中不能自己
也捉筆淒然久之至正二十三年歲在癸卯十二月十日夜笠
澤蝸牛廬中

郭髯余所愛詩畫總名家水際三叉路毫端五色霞米顛船每泊
陶令酒能賒猶憶相過處清吟夜煮茶
十一月一日燈下戲寫竹石霜柯并題

久客令人厭為生只自憐每書空咄咄聊偃腹便便野竹寒煙外
霜柯夕照邊五湖風月迴好在轉漁船

惟允契友工為詩誥而圍棋鼓琴無一不造其妙雖游名公卿閒
無意於仕進故寫竹枝奉贈又賦此詩

岷江陳秀士棲隱闔閭城覓句仍工畫看山不愛名棋枰消永日
琴調寄閒情摩挲鬚髮美春苗紫過纓

寄友

吳淞江上宅青翠映丹楓欲覓幽人去遙憐雅好同珍圖藏顧陸
蓮社憶雷宗聞道秋風夜清琴寫澗松

八月廿日為叔平畫紫芝山房圖并賦
山房臨碧海奕奕紫芝榮雲上飛鳥月中聞鳳笙木煙生石竈

竹雪灑茆楹誰見陳高士希彝善養生
有立徵君名其齋曰端居室讀書學道詠歌先王之遺風於其中

為之題贈

五畝幽人宅端居思次寥圖書充棟積心跡去人遙卷幔松風入
當階蘭雪飄善求顏子意陋巷樂簞瓢

徐良夫耕漁軒

僕來軒中自七日至此凡四日矣風雨乍晴神情開朗又與耕
雲耕漁笑言嬉樂如行玉山中文采自足照映人也喜而賦此
詩

溪水東西合山家高下居琴書忘產業蹤跡隱樵漁積雨客留宿
新晴人趁墟厭喧來洗耳清泚遶前除

至正癸亥秋七月三日乘雨至西園因寫此圖賦詩以紀勝遊

卜宅清溪上烹茶秋樹根書堂微雨霽石榻古苔痕松葉飄琴薦

荷香罽酒樽邵公敦古道幽尚竟誰論

宿樂園林居

予來城郭而暑氣熾甚偶憩甘白先生之樂園林居不覺數日
相與蔭茂樹臨清池誦義文之象又彈有虞之南風遂以永日
忽忽已淹爾久問成此詩以
寓笑樂耳甲寅六月十六日

暮投齋館靜城郭似山林落月半牀影涼風孤鶴音汀雲縈遠夢

桐露溼清琴喧卑靜塵慮蕭瑟動長吟
爲耕雲賦山居

高木垂帷密清池拭鏡明蟲書葉字古風織浪紋輕悄悄悲秋意
悠悠惜別情古人雖已矣得失未須驚

示友人

子處窮愁際我居憂患中貪饕如鬼國喜怒屬狙公莫笑淮陰俛
誰同鮑叔風雪汀畱雁迹飛舞任西東

題梅花道人墨菜詩卷

肉食固多鄙菜烹元自癯曉畦含露氣夜鼎煮雲腴春醪時一進
林筍與之俱遊戲入三昧披圖聊我娛

孤雲用王叔明韻

煙浦寒汀雨吳山楚水春絕無凝滯迹本是不羈人鶴鶴同棲息
蛟龍任屈伸自嗟猶有累斯世有吾身

五言絕句

題臨水蘭

蘭生幽谷中倒影還自照無人作妍暎春風發微笑
和趙魏公張外史詠玄洲十景

菌山

奕奕三素雲團團如車蓋下有采芝仙游神與天會

羅姑洞

玉晨啓玄扉靈篇授飛仙鍊景返洞宮保真億萬年

霞駕海

混沌青瑤流煥爛雲錦光飛駟駕神君宛在甸山陽
鶴臺

胎仙集丹臺真宰降玄居翕忽神飄散燒香禮太虛
桐葉源

密葉蔭方壇珍林寄深谷華源遠莫窮時有幽人宿
玄洲精舍

步虛朝東華高嘯追遠遊玄館授妙道逍遙宴神州
紫軒

虛林想遺躅壇館廢仍存落葉藏丹竈清晨雲氣溫
隱居松

蒼雲乘白鶴傳說手栽松山室清眠夜千巖聞勁風
玉像龕

玉標明霞秀靈炁混合成流光映金宮雲旆招萬靈
題自畫二首

東海有病夫自云繆且迂書壁寫絹楮豈其狂之餘
青林藏曲密遠水間微茫飛鷺浴鳧處人家半夕陽

夜作古木怪石因題
夜遊西園渚初月光炯炯徙倚巖石下愛此林木影

雨竹
雨過瀟湘渚風生渭水波暮窗揮醉墨翠霧溼煙蘿

二月廿二日潘子素王叔明來訪臨別爲寫水傍樹林圖

積雨開新霽汀洲生綠蕓臨流望遠岫歸思忽如雲

寫竹枝爲子中陳君

子中高世士脫帽著黃冠久勵冰霜操虛心共歲寒

題鶴

海月生殘夜遠天入莫秋安期應有待清唳起玄洲

題畫鶴

白鶴何仙仙翠石亦岌岌風日媚幽芳春禽飛相及

題王叔明小畫

餘不溪上路不到已三年范蠡扁舟小披圖思惘然

題夏圭紈扇圖

孰識琴中趣山峩水深深馬史妙於畫無言會古音

題畫三首

筆鋒雖小劣景物亦清新蕭瑟風林晚江湖有逸民

杳杳碧山岑森森灌木陰幽亭足清眺臨風聊鼓琴

江城秋雨後竹石曉蒼蒼聊以規摹此畱看宿鳳凰

荆溪縣志

荆溪清遠地水秀石幽貞誰識懷歸者終期憤憤情

題秋亭曉色圖

園林夏雨歇旭日照蒼苔誰見竹亭裏孤坐興悠哉

寄友

風雨暮蕭蕭高人共寂寥何時截湘玉翊月夜吹簫

菜圃

食菜雖云美荼苦薺自甘猶勝高陽徒羶葷自飫酣

春江獨釣圖

春洲菰蔣綠江水似空虛望山以高詠釣志一作不在魚

墨竹

明月臨虛一作書幌疏篁舞翠鸞獨吟苔石上霜葉媚天寒

題畫與溥泉

息景憩煙霞澄懷臥邱壑久遲蘇仙君莫驚松上鶴

題畫二首

荆溪山水勝不到十年餘蔣氏遺基上寒藤學草書

雨過黃陵廟風生湘水波當時卸帆處苔石倚喬柯

畫竹為景周寫

修竹種丹房亭亭枝葉茂青窻忽日生拾取延人壽

題畫贈彥貞二首

翠竹並奇石蒼蒼畱古柯明窗坐相對試問興如何

遠山清欲滴疏林淡生煙春潮晚來急維定渡頭船

贈朱仲溫

宋君天下士畫竹能鼓琴來我北渚下相從論古心

題秋林圖

一作陳則題雲林畫林亭遠岫

雲開見山高木落知風勁亭下不逢人夕陽澹秋影

六言絕句

田舍二首

山鳥下窺窗牖春風時過柴門避世何須鄭谷作書已絕巨源
映水五株楊柳當窗一樹櫻桃灑掃石閒蘿月吟哦琴裏松濤
畫竹

珍重黃華父子遺風得似洋州松雪於今冥冥房山去後休休
爲曾高士畫湖山舊隱

厭聽殘春風雨捲簾坐看青山波上鷗浮天遠林閒鶴帶雲還
題畫八首

雨過黃陵廟下雲生玉女井邊野雉雊鳴斜日鷓鴣唳破林煙
罨畫溪頭喚渡銅官山下尋僧水榭汀橋曲曲風林雲磴層層
高柳喬柯小閣水光山色衡門未老作閒居賦無錢對北海尊
舟泊溪流曲曲鳥唳煙樹重重獨思白鶴遺址好居五老雲峰
孝侯廟前雨過罨畫溪頭日曠舊迹如今夢裏春風愁亂行雲

月下參差雙玉燈前蕭散孤鴻寄興只消毫楮寫懷不用絲桐
竹上誰彈清淚如鉛春雨斑斑滿眼湘江波浪望窮白鳥飛還
高樹長松共晚蒼筠野石同貞珍重王家公子翩翩白鶴神清
南村草堂

雲溶溶兮覆渚波剡剡兮侵扉觀魚泳而自樂狎鷗馴以不飛
雲溪佳處

誰覓雲溪佳處渚花汀竹迷藏去鶴原邊倚杖浮鷗波上鳴榔
己酉八月廿六日謾題

田父聊同爾汝狂夫從問如何昔日揮金豪俠今朝苦行頭陀
題竹

黃陵廟前雨過邯鄲谷口風生愛殺山人清致縱橫淡寫秋聲
我愛焦君味道筆端點綴清新規模虎兒早歲未窺北苑入神

題溪山雪霽圖贈以中張君
水影山容黯淡雲林翠一作篠蕭疏誰見重居寺裏雪晴沙際吟

餘

贈潘仁仲

瓶內花簪白鶴庭中池養金魚馴虎只憑丹竈活人惟畱素書

燕乳

燕乳雛成竟去鸞悲影隻難雙借問榮歸故里何如高臥北牕
壬子十一月五日余遇牧軒於吳門客邸求寫贈安素高士并賦
石澗苔痕雨過竹陰樹影雲深聞道安素齋中能容狂客孤吟
至正癸卯九月望日畫贈勝伯徵君并題

江渚暮潮初落風林霜葉渾稀倚杖柴門闌寂懷人山色依微

東吳十詠

望洞庭

一望洞庭秋水相看一作逢南浦孤篷江干有興騷客閒居久約漁

翁

汎石湖

遙接太湖惘然尚畱赤壁圖景越來溪水東西香雪寒梅飄影

遊靈巖寺

此山勝景立賞舊遊今日皆非籃輿林間煙暝爛柯谷口忘歸

登姑胥山

吳王館娃西子兩情斷送長流麋鹿淚沾荒草故人汗漫重遊

泊橫塘

山寺微茫深渡寒煙蒼莽橫塘杖梢自挑村酒船頭猶夢漁郎

懷甫里

筇行依依故里石刊翰墨模糊龐公力田二頃拾遺扁舟五湖

過盤門

將軍南過吳國魚龍跳下江湖無限吁嗟陳一作神跡怕聞淒涼洞

蕭

過獨墅

短棹微風窈窕片帆落日橫斜舍傍誰開酒肆牛疲知是田家

過車坊漾
蕩舟滄波萬頃搖櫓白鷗渚傍不知新月東起回頭過盡東方
歸闔閭浦

極目煙江盡頭屈指搖城渡口世人不理曲肱自餉黃雞白酒
題良常草堂圖

和靖處士嘗賦詩曰山水未深魚鳥少此生猶擬再移居只應
天竺溪流上獨木為橋小結廬以中之大父鶴溪先生自金壇
移居荆溪因以中相過
話處士舊詩戲為圖此

結屋正臨流水開門巧對長松為待神芝三秀移居華岳西峰
至正戊戌八月便過岷翁出趙宗漢雁山高隱圖索題遂作短句

聊博一笑

層閣突兀雲外細路委曲煙中對嶺臨谿未遠度阡越陌難通

清閼閣全集卷之三

